

新刊醫林狀元壽世保元

壽世保元序

余解綬歸臥林麓間於故篋中  
取醫鑑回春仙方神效魯府禁  
方諸書時披閱焉惋然歎曰奇  
哉金谿龔子術至此乎其用意  
良博其濟世之念良殷且苦也

余誠慨慕冀昕夕遇之矣迺一日飄然來謁余輾然喜甚徐揖而進之領畧緒論津津名理悉皆湊底芝蘭也迺龔子復出秘書十卷以示余其命名曰壽世保元余反復玩視見其立論高

著方妙其調治療理核實而有  
法大都九折臂而成真得醫門  
家鉢矣嘻亦大奇矣哉曩者諸  
書業已傳世今茲之集思且殫  
矣苦尤劇矣方之前刻則昔固  
精而此尤精之精者也昔固詳

而此尤詳之詳者也所謂發諸  
名醫之所未發傳諸名醫之所  
未傳者端不在是也邪夫醫非  
仁愛不可託非聰明理達不可  
任非廉謹淳良不可信是以古  
之用醫必選名世之後知天地

神祇之次明性命吉凶之數處  
虛實之分定逆順之理原疾量  
藥貫微達幽度節氣而候溫冷  
參脉理而合輕重必參知而隲  
括焉斯善矣雲林龔子身儒行  
之粹美躋醫道之聖功固回天

言世修元  
國手所藉以上培

聖天子之元和而下躋斯民于  
仁壽之天者也頃聞

魯藩幣聘起其元妃於九死彼  
且介然却其千金魯藩益高其  
誼復寵以御醫院榮銜錫以輦

帶華飾賜以龍牌扁額題以醫  
林狀元龔子蓋亦有榮遇哉夫  
儒林有玉其獨步者命之曰國  
士醫林亦有玉其十全者命之  
曰國手龔子者得不稱為國手  
而當國士哉得不稱為國士而



寔國手哉以國手彙成國醫之  
集以故分門別類靡不具悉逆  
流窮源靡不究竟起死回生靡  
不効驗將前登岐黃後咸劉李  
自俞跗涪翁而下卓夔無與儷  
矣集成以付剞劂氏公諸寓內

則遵而守之可以壽一人亦可  
以壽千萬人推而廣之可以壽  
一世亦可以壽千萬世其所裨  
益寧以家計年筭哉余故善龔  
子喜其集成而啟後洵有地也  
特為之弁言簡端

賜進士第榮祿大夫文淵閣大  
學士太子太保戶部尚書侍  
經筵新建洪陽張位撰

南陽張位  
學士

壽世保元自叙

余讀父書，徃徃欲壽一世而未能也。間嘗竊取岐黃倉越劉張朱李諸家之秘旨經驗之良方，彙成五書。曰古今醫鑑，曰萬病回春，曰種杏仙方，曰雲林神效，曰魯府禁方。

業已灼灼於世雖然醫妙無窮其  
間標本異治虛實瞬易損增互換  
岐中之岐變外之變膠古不得師  
心又不得夫豈五書所能竟哉近  
來倦遊家居覩聞覺益日多縮練  
覺日益熟廼採掇名藩之異授內

府之珍藏宇內士夫之所家襲方  
外異人之所秘傳間亦竊附已意  
發諸前人之所未發參互勘驗百  
投百效者分門別類彙次成編命  
名曰壽世保元以示大全于以補  
諸書之缺夫人之丁身有元神有

元氣神官於內氣充乎體少有不  
保而百病生矣余謬爲保元云者  
正欲保其元神常爲一身之主保  
其元氣常爲一身之輔而後神固  
氣完百邪無能奸百病無由作矣  
如世道之在澆漓者則用勸世歌

砭而規之使天下後世之人咸躋  
於仁壽之域敢曰壽世保元即調  
元也調元者宰相之事而竊取爲  
名高哉噫嘻余放民也遨遊湖海  
涉迹燕趙梁豫之間辱王公縉紳  
謬爲恭敬盖四十襁于茲曩



魯藩君侯與余爲淮南八公交却  
其千金之爵又顏其扁而贈之命  
曰醫林狀元以余伎倆予不獲致  
青雲居嘗空語奇字扁以榮銜若  
謂經術有元業術亦有元而余幸  
窺杏林之一班或者亦奪方伎之

一元乎然非余意也書成而付剞  
劂氏要亦備養生之餌飮云爾何  
敢與青囊肘後爭埒而用文之以  
自點也

書

萬曆四十二年歲次乙卯春王正

月上浣之吉太醫院吏目金谿  
雲林龔廷賢撰

壽世保元凡例

一是集以內經爲宗旨。用劉張朱李爲正印。其餘諸家爲變法。間亦竊附已意。旁求可法之言。以廣之。繁者刪之。簡者采之。奇而良者遵之。掇拾其義。紬繹其旨。無非欲融會貫通。以成其全書耳。

一首論自軒岐以來。歷代明醫。方書之宜法者。班班可考。列之於前。俾後學者。邇

流窮源。知所自來。而識所宗焉。

一人身五臟六腑。十二經絡。血氣脾胃。陰陽標本。五運六氣。亢則害。承廼制。虛實寒熱。受病之原。皆內經之本旨也。學者宜熟讀細玩。則知病之原。而生死吉凶。可槩見矣。

一脈訣宗王叔和七表八裏。摠歸于劉三點。浮沉遲數四脈。正所謂有博則有約。

也。然知要則能守約。守約則足以盡其博矣。

一藥性。予集回春已有二百四十味。今增補共四百味。編成四韻。下註製法。以示後學。此皆常用之藥。足給常病之用。其餘古怪冷藥。用之者少。不能全具。姑闕之。

一各門先之以脉息。某病宜某脉。某病忌

某脉脉之生死於此可見次之以病原。病起於何臟腑。何經絡。或在表。或在裏。或在半表半裏而治之。或汗。或吐。或下。或和。解。或先攻而後補。或先補而後攻。或攻補兼施。有病後宜補。以杜後患。有病後不須補而復元者。又急則治標。緩則治本。大抵病有新久虛實之異。治有補瀉宣通之殊耳。

一論病原後。隨立一方。是其病用某方。以某方用某藥條款具陳。証治區別。俾學者對症選用。効不旋踵耳。此明白易知。雖未業醫者。一見了然。亦可對症而投劑也。

一古方。乃歷代明醫所製。百發百中者。雖諸書疊出。如四君四物益氣湯。六味丸之類。乃諸病必用之藥。而千古不易之



方。可厭煩而不錄乎。此係古人所製。姓名人所共知。茲不復贅。

一。今方乃內閣珍奇。諸藩異授。海內縉紳。家藏秘錄。并方外異人。及家君與予所製。歷試四方之病。曾經累效者。錄之。未效者。舍之。每方之下。即載所傳人氏官銜。姓號。示不忘本也。

一。醫案有古人所經驗者。亦有予用之而

効者蓋折門分類方法雖詳然間有用  
竒取効好於本方之外者不妨詳載仍  
具於各門之後亦以觀變達權之意以  
俟學者采用無者缺之

一病証多端時醫偏執古方妄逞臆見非  
惟不能奏効而返加重其病此皆由晰  
理未精審脉未確以故或發之太過而  
致亡元陽或下之太驟而內損陰血稍

熱則遽用牽牛硝黃稍寒則遽用附子  
姜桂不偏於熱則偏於寒攻擊太過能  
損人天真之氣有傷脾胃蓋脾土一傷  
則不能生肺金金衰不能生水是腎絕  
生氣之原則腎水枯竭而根本壞矣其  
餘諸臟皆失相生之義則次第而衰憊  
焉。正氣既虛則運用無藉血滯不行以  
致氣血耗散傳變失常浸淫日甚一虛

而百虛出矣。由是諸病蜂起。怪症百端。難以名狀。治以滋補爲主。故方雖雜見。而補中益氣湯。六味地黃丸。十全大補湯。但是諸般不足之病。尤能收萬全之功。蓋立齋薛先生論之詳矣。古來作者代不乏人。而薛先生慧心巧識。擷英咀華。其於三方尤窺厥奧。治病標的。殆無以易此者。予雖未盡膠於三方。而各諸

病皆可收効。今載於各門之後。隨機損益。變化無窮。則亦做此而善通之。學者能細加體認。其於醫道思過半矣。

一書已纂成。而又有傳來妙方。不忍棄之。故補遺於各門之末。以備採用。

一灸法雖有劫病之功。但取其素所試驗者。集爲一處。凡病有宜灸者可依法灸之。必奏効矣。未奏効者。姑缺之。

畢

新金匱林狀元龔雲林先生纂著壽世保元目錄

# 甲集一卷

醫說

五臟六腑脉病虛實九十一條  
五臟補瀉主治例

十二經絡

奇經八脉

胛脉

七表八裏總歸四脉

論五臟見四脉應病詩

肉因脉

外因脉

不內不外因脉

定死脉形候歌

脉辨生死

診樣病生死候歌

診暴病歌

諸脉宜忌生死類

扁鵲華陀察聲色秘訣

診五臟六腑氣絕症候

臟腑論

血氣論

脾胃論

五運六氣

五運主病

六氣為病

亢則害承迺制體用說

醫論

本草門

藥論

藥有五洪

藥性歌括共四百味

乙集二卷

中風

預防中風

傷寒

四時感冒

中寒

瘟疫

瘴氣

中暑

中濕

火證

內傷

飲食

嗜酒喪身

鬱證

丙集三卷

痰飲

咳嗽

喘急

哮喘

瘡疾

痢疾

泄瀉

霍亂

嘔吐

番胃

飢逆

噎氣

吞酸

餽雜

諸氣

痞滿

鼓脹

水腫

積聚

五疳

丁集四卷

戊集五卷

補益 吐血 便血

老人 衄血 溺血

瘧冷 咳血 惡熱

斑疹 咯血 惡寒

發熱 嘔血 汗症

勞瘵 唾血

眩暈

麻木

癲狂

癰症

健忘

驚悸

怔忡

虛煩

不寐

厥症

心胃痛

腹痛

腰痛

脇痛

臂痛

肩背痛

痛風

脚氣

癰疽

痿痺

消渴

瘰癧

濁症

遺精

淋症

閉格

遺溺

小便閉

大便閉

二便閉

痔漏

體氣

脫肛

諸蟲

巳集六卷



庚集七卷

婦人科 婦人總論

帶下 虛勞 求嗣

產後 小產 乳病 乳岩 姙娠 姙娠傷寒 產育

通治 雜病 茄病

辛集八卷

小兒科 論脈五

積癖 熱症 感冒 急驚

慢驚 慢脾 傷食

諸疳 吐瀉

頭痛 鬚髮 面病 耳病 鼻病 口舌

蘭唇 牙齒 眼目 喉痺 結核 瘰癧

肺癰 肺痿 心漏

調經 經閉 崩漏

姙娠 姙娠傷寒 產育

乳岩 通乳 斷乳

痢疾

瘡疾

痰喘

咳嗽

發沙

通治

小兒初生七十症

小兒五宜

浴兒法

斷臍法

變蒸論

初生雜症論方

胎熱

胎寒

胎肥

胎怯

胎黃

胎驚

鎖肚

不乳

撮口

噤風

臍風

客忤

不尿

夜啼

中惡

天吊

鵝口

口瘡

重舌

木舌

弄舌

牙疳

吃泥

丹毒

赤遊

喉痺

乳癰

眼疾

耳膿

鼻瘡

頭瘡

臍瘡

蟲痛

尾骨痛

陰腫

疝氣

盤腸

氣痛

脫肛

遺尿

尿濁

便血

下淋

吐血

衄血

小便閉

大便閉

水腫

黃疸

汗症

解顱

鶴節

行遲

語遲

齒遲

龜胸

龜背

滯顱

顛陷

顛填

手拳

脚拳

痘瘡

癰疹

壬集九卷

外科

癰疽

附骨疽

臀疽

腸疽

囊疽

懸癰

癰癰

疔瘡

便毒

下疳

楊梅瘡

疥瘡

癬瘡

疥瘡

癰風

癰風

膝瘡

諸瘡

膏藥

杖瘡

折傷

破傷風

湯火

蟲獸

癸集十卷

單品雜治

雜方

療病囊書圖

神仙接命秘訣

通治

絕糧失食飢餓欲死方

金瘡

齒傷

中毒

骨節

邪祟

五絕

井塚

蟲毒

救荒辟穀

灸法

目錄畢

新刊醫林狀元壽世保元甲集一卷

太醫院吏目金谿雲林龔廷賢子才編著

龔定國 男 龔安國 校

南雍太學生龔印周文卿光霽堂鈔

醫說

大哉醫乎其來遠矣肇自開闢厥初生民有壽夭則有札瘥有札瘥則有醫藥故神農嘗百草黃帝註內經伊尹作湯液雷公製炮炙與夫著書立言垂世者若內經其言深而要其旨遠以弘其考辨信而有徵實為醫家之祖下此則秦越人和緩者緩獨能知晉侯之膏肓而未有者遂惟越人所著八十一難經則皆發明內經之旨又下此則淳于意華陀陀之熊經鴟顧固亦導引家之一術至於剝腹背瀉腸胃而去疾則法

於神怪矣。意之醫狀。司馬遷備誌之。又下此。則張機之金匱玉函經。及  
傷寒諸論。誠千古不刊之妙典。第詳於六氣所傷。而於嗜慾。食飲。疲勞  
之所致者。畧而不議。又下此。則王叔和纂岐伯華佗等書。為脉經。叙陰  
陽。內外。辨三部九候。分入迎氣口。條陳十二經絡。洵夫二焦五臟六腑  
之病。最為著明。又下此。則巢元方病原候論。似不為無所見者。但論風  
寒。而不著濕熱之篇。乃其失也。又下此。則王冰推五運六氣之變。撰為  
天元玉策。周詳切密。亦人之所難。苟泥之。則局滯而不通矣。又下此。則  
王素孫思邈。思邈以絕人之識。探慈仁惻隱之心。其叙千金方。累及損  
工。害人之禍。至為憤切。後人稍闕其藩垣。亦足以其術。鳴但不制。傷寒  
之書。或不能無遺憾也。素雖闡明外臺秘要。所言方證。符禁。灼灸之詳。  
頗有所祖述。然謂針能殺生人。不能起死人者。則一偏之見也。又下此。  
則錢乙。龐安時。許叔微。叔微俱在準繩尺寸之中。而無所發明。安時雖  
能出奇應變。而終未離於範圍。一人皆得張機之粗者也。惟乙深造機

之髓與而擲其精華建爲五臟之方。各隨所宜。謂肝有相火。則有瀉而無補。腎爲真水。則有補而無瀉。皆啓內經之秘。尤知者之所取法也。奈世知之之淺。其遺書散亡。出於閻孝忠所集。居多。孝忠之意。初非乙之本真也。又下此。則上谷張元素。河間劉完素。睢水張從政。元素之與完素。雖設爲奇夢異人。以神其授受。實聞乙之風而興起者焉。若從政則又宗乎完素者也。元素以古方。今病決不能相值。治病一切不以方故。其書亦不傳。其有存於今者。皆後來之所附會。其學則東垣李杲深得之。杲推明內外二傷。而多注意於補脾土之設。蓋以土爲一身之主。土平則諸臟平矣。從政以汗吐下三法。風寒暑濕燥火六門爲醫之關鍵。其治多攻利。不善學者殺入。完素論風火之病。以內經論病機氣宜二十九條著爲原病式。閻與粹微有非。太觀官局諸醫所可鑒焉。其設施則不越攻補二者之間也。近代名醫若吳中羅益。洛洲呂復。皆承東垣之餘緒。武林羅知悌。丹溪朱彥修。各挹完素之流風。又若台之朱佐

越之滑壽慈谿王節齋餘杭陶節庵吳郡薛立齋咸有著述未易枚舉  
嗟夫自內經以來醫書汗牛充棟不為不多矣蓋醫之有內經由儒道  
之六經無所不備後賢著述若仲景東垣河間丹溪四子之說可謂醫  
書之全備猶學庸語孟為六經之階梯不可缺者也故曰外感法仲景  
內傷法東垣熱病用河間雜病用丹溪然素問論病之因本並若藥之  
性脈訣詳證之原運氣法天之候一以貫之於內經斯醫道之大成乃  
千古不易之定論是為萬世之師法矣

## 五臟六腑脈病虛實例

凡十一條

### 肝臟脈病虛實

肝象木王於春其脈弦其神魂其候目其華在爪其充在筋其聲呼其味  
臊其味酸其液泣其色青其藏血足厥陰其經也與膽合為腑而主  
肝為臟而主裏脾氣盛為血有餘則病目赤兩脇下痛引小腹善怒氣

逆則頭眩耳聾不聰額腫是肝氣之實也則宜瀉之肝氣不足則病目  
不明兩脇拘急筋掣不得太息爪甲枯而青善怒恐如人將捕之是肝  
氣之虛也則宜補之於四時病在肝愈於夏夏不愈甚於秋秋不死待  
於冬起於春於日愈在丙丁丙丁不愈加於庚辛庚辛不死待於壬癸  
起於甲乙於時平旦慧下晡甚夜半靜甚當風肝部在手關上是也平  
肝脉來綿綿如按琴瑟之弦如揭長竿春以胃氣爲本春肝木旺其脉  
弦細而長是平脉也反得微濇而短者是肺之乘肝金之剋木謂之賊  
邪太逆不治反得浮大而洪者是心乘肝子之乘母爲實邪雖病當死  
反得沉濡而滑者是腎乘肝母之剋子爲虛邪雖病當愈反得緩而大  
者是脾之乘肝爲土之凌木爲微邪雖病不死肝脉來盛實而滑如循  
長竿曰平肝病脉來急益勁如新張弓弦曰肝死真肝脉至中外之如  
循刀刃頤頤然如新張弓弦色青白不澤毛折乃死

心臟脉病虛實



心象火王於夏其脉如鉤而洪大其候舌其聲言其臭焦其味苦其液汗其養血其色赤其藏神手少陰其經也與小腸為腑而主表心氣盛為神有餘則病胸內痛脇支滿脇下痛膺背臂脾則痛兩臂內痛喜笑不休是心氣之實也則宜瀉之心氣不足則胸膈大脇下與腰背相引痛驚悸恍惚少顏色舌本強善憂悲是心氣之虛也則宜補之於四時病在心愈於長夏長夏不愈甚於冬冬不死待於春起於夏於日愈在戊巳戊巳不已加於壬癸壬癸不死待於甲乙起於丙丁於時日申時夜半甚平旦靜禁溫衣熱食心部在左手寸口是也寸口脉來累累如連珠如循瑯玕曰平心以胃氣為本夏心火王其脉浮洪大而散名曰平脉也反得沉濡而滑者腎之乘心水之剋火大逆不治反得弦而急是肝乘心母之剋子雖病當愈反得緩而大是脾乘心子之乘母雖病當愈反得微清而短是肺之乘心金之凌火為微邪雖病不死病心脉來喘喘連屬其中微曲曰心病死心脉前曲後倍如操帶鉤曰心死真心

脉至牢而搏如循薏苡實然其色赤白不澤毛折乃死

脾臟脉病虛實

脾家旺旺於長夏其脉緩其候口其聲歌其臭香其味甘其液涎其養形肉其色黃其藏意足太陰其經也與胃合為腑主表脾為臟主裏脾氣盛為形有餘則病腹脹溲不利身重苦飢足痿不收行善瘦脚下痛是為脾氣之實也則宜瀉之脾氣不足則四肢不用後泄食不化嘔逆腹脹腸鳴是為脾氣之虛也則宜補之於四時病在脾愈在秋秋不愈甚於春春不死待於長夏於日愈於庚辛庚辛不愈加於甲乙甲乙不愈待於丙丁起於戊巳於時日慧平且甚下晡靜脾欲緩急食前以緩之用苦以泄之甘以補之禁溫食飽食湿地濡衣脾部在右手關上是也六月脾土旺其脉大阿阿而緩名曰平脉也長夏以胃氣為本反得弦而急是肝之乘脾木之尅土為太逆不治反得微瀼而短是肺之乘脾子之乘母不治自愈反得浮而洪者是心之乘脾母之歸子當差不死

反得沉瀉而滑者是腎之尅脾水之凌土爲微邪當虛脾長而弱來蹠  
去數再至曰平三至曰離經四至曰奪精五至曰命盡六至曰死病脾  
脉來實而盛數如雞舉足曰脾病死脾脉來堅銳如鳥之啄如鳥之距  
如屋之漏如水之溜曰脾絕真脾脉弱而乍數乍疎然其色不澤乃死

肺臟脉病虛實

肺象金王於秋其脉如毛而浮其候鼻其聲哭其臭腥其味辛其液涕其  
養皮毛其藏氣其色白其神魄手太陰其經也與大腸合大腸爲腑主  
表肺爲臟主裏肺氣盛爲氣有餘則病喘欬上氣肩背痛汗出尻陰股  
膝踠脛足皆痛是爲肺氣之實也則宜瀉之肺氣不足則少氣不能報  
息耳聾噬乾是爲肺氣之虛也則宜補之於四時病在肺愈在冬冬不  
愈甚於夏夏不死待於長夏起於秋於百愈在壬癸壬癸不愈加於丙  
丁丙丁不死待於戊巳起於庚辛禁寒飲食寒衣於時下哺禁夜半靜  
日中甚肺欲收急食酸以收之用辛瀉之肺部在右手關前寸口是也

平肺脉微短清如毛秋以胃氣為本病肺脉來上下如循鷄羽曰病肺  
病其色白身體但寒無熱時時欲飲其脉微遲為可治秋金肺王其脉  
浮濇而短是曰平脉也反得浮大而洪者是心之乘肺火之剋金為大  
逆不治反得沉濡而滑者是腎之乘肺子之乘母不治自愈反得緩大  
而長阿阿者是脾之乘肺母之歸子雖病當愈反得弦而長者是肝之  
乘肺木之凌金為微邪雖病當愈肺脉來沈沈而輕如微風吹鳥背上  
毛再至曰平三至曰離經四至曰奪精五至曰死六至曰命盡肺脉來  
如物之浮如風吹毛曰肺死秋胃微毛曰平胃氣少毛多曰肺病但如  
毛無胃氣曰死毛有弦曰春病弦甚曰金病其肺脉至大而虛如毛羽  
中人膚然其色青白不澤毛折乃死

腎臟脉病脈實

腎象水王於冬其脉如石而沉其候耳其聲呻其臭腐其味鹹其液唾其  
養骨其色黑其神志足少陰其經也與膀胱為腑主表腎為臟主裏腎

氣盛爲志有餘則病腹脹痰泄肺腫喘欬汗出憎風面目黑小便黃是  
爲腎氣實也則宜瀉之腎氣不足則厥腰背冷胸內痛耳鳴若耳是爲  
腎氣之虛也則宜補之腎病者腹大肺腫喘欬汗出憎風虛則胸中痛  
於四時病在腎愈在春春不愈甚於長夏長夏不死待於秋起於冬於  
日愈於甲乙甲乙不愈甚於戊己戊己不死待於庚辛起於壬癸無犯  
塵垢無衣炙衣於時夜半慧日乘四季甚下晡靜腎欲堅急食苦以堅  
之鹹以泄之苦以補之腎部在左手關後尺中是也腎脈來如引葛按  
之益韌曰胃病腎風水其脉太緊身無痛形不瘦不能食善驚以心  
萎者死冬腎水主其脉沉濡而滑名曰平脉也反得浮大而緩者是脾  
之乘腎土之尅水爲太過不治反得浮濇而短者是肺乘腎母之歸子  
爲虛邪雖病可治反得弦細而長者肝之乘腎子之乘母爲實邪雖  
病自愈反得浮大而洪者是心之乘腎火之凌水雖病不死腎死脉來  
發而奪索辟辟如彈石曰腎死冬胃微石曰平胃少石多曰腎病但不

無胃曰死石而有鈞曰夏病鈞甚曰今病藏真下於腎藏骨髓之氣真  
腎脉至搏而絕如彈石辟辟然其色黃黑不澤毛折乃死 諸真藏見  
者皆不治

### 胆經虛實病候

膽象木主於春足少陽其經也肝之腑也謀慮出焉諸腑臟皆取決斷於  
胆其氣盛為有餘則病腹內冒胃不安身軀習習是為胆氣之實也則  
宜瀉之膽氣不足其氣上溢而口苦善太息嘔宿汁心下澹澹如入將  
捕之噬中介介數噦是為胆氣之虛也則宜補之

### 小腸虛實病候

小腸象火主於夏手太陽其經也心之府也水液之下行為洩便者流於  
小腸其氣盛為有餘則病小腸熱焦竭乾澇小腹脹是為小腸之氣  
實也則宜瀉之小腸不足則寒氣客之腸病驚跳不言乍來乍去是為  
小腸氣之虛也則宜補之

胃經虛實病候

胃家主於長夏足陽明其經也脾之府也為水穀之海諸臟腑皆受水穀之氣於胃氣盛為有餘則病腹脹氣滿是為胃氣之實也則宜瀉之胃虛不足則飢而不受水穀食泄瀉於是為胃氣之虛也則宜補之胃脈實則腹虛則泄胃脈滑胃內有寒脈滑為實氣滿不欲食胃脈澀熱在胃內

大腸虛實病候

大腸象金王於秋手陽明其經也肺之腑也為傳導之官變化糟粕出入焉氣盛為有餘則病腸內切痛如錐刀刺無休息腰背寒痺重急是為大腸之氣實也則宜瀉之大腸氣不足則寒氣客之善泄是大腸之氣虛也則宜補之脈其左手寸口脈手陽明經也脈浮則為陽陽實者大腸實也若腸切痛如錐刺無休息時

膀胱經虛實病候

膀胱象水主於冬足太陽其經也腎之腑也五穀五味之津液悉歸於膀胱氣化分入血脉以成骨髓也而津液之餘者入胞則爲小便其氣盛爲有餘則病熱胞濇小便不通小腹偏腫痛是爲膀胱氣之實也則其瀉之膀胱氣不足則寒氣客之胞滑小便數而多也面色黑是膀胱之氣虛也則宜補之

### 三焦虛實病候

三焦者上焦中焦下焦是也上焦之氣出於胃上口並咽以貫膈而胸內走掖循太陰之分而行上至舌下至足陽明當與榮衛俱行主納而不出也○中焦之氣亦並於胃口出上焦之後此受氣者必精粗承津液化爲精微上注於肺脉乃化而爲血主不上不下也○下焦之氣別迴腸注於膀胱而滲入焉主出而不納故水穀常并居於胃成精粗而俱下於大腸也謂此三氣焦乾水穀分別清濁故名三焦三焦爲水穀之道路氣之所終始也三焦氣盛爲有餘則脹氣滿於皮膚內輕然而



不牢或小便瀉或大便難是爲三焦之實也則宜瀉之三焦之氣不足則寒氣客之病遺尿或瀉利或胸滿或食不消是三焦之氣虛也則宜補之膠其寸口脉邊上焦有寒尺脉遲下焦有寒尺脉浮者客陽也

### 五臟補瀉主治例

肝虛者陳皮生薑之類補之虛則補其母腎者肝之母也以熟地黃柏補之如無他症六味地黃丸主之

實則白芍瀉之如無他証瀉青丸主之實則瀉其子以甘草瀉心湯主之之心者肝之子也

心虛者炒鹽補之虛則補其母脾者心之母生薑補之如無他証以安神丸主之

實則甘草瀉之如無他症重則瀉心湯輕則導赤散主之

脾虛者甘草大棗之類補之虛則補其母心乃脾之母以炒鹽補之實則瀉其子肺乃脾之子以桑白皮主之又云實則黃連枳實瀉之如無他

症並黃散主之

肺虛者五味子補之實則桑白皮瀉之如無他症阿膠散虛則補其母脾  
乃肺之母以甘草大棗補脾實則瀉其子腎乃肺之子以澤瀉瀉腎  
腎虛者熟地黃補之腎無實不可瀉錢仲陽止有補腎地黃丸無瀉腎  
藥虛則補其母肺乃腎之母以五味子補肺

十二經絡

經而直者為經支而橫者為絡

手太陰之脉起於中焦下絡大腸還循胃口上膈屬肺從肺系橫出腋上  
下循臑內行少陰心主之前下肘中循臂內上骨下廉入寸口上循魚  
際出大指之端其支者從腕後直出次指內廉出其端次注手陽明  
手陽明之脉起於大指次指之端循指上廉出合谷兩骨之間上入兩筋  
之中循臂上廉入肘外廉上臑外前廉上肩出髃骨之前廉上出于柱  
骨之會上下入缺盆絡肺下膈屬大腸其支者從缺盆上頸貫頰下入  
下齒中還出狹口交人中左之右右之左上俠鼻孔次注足陽明

足陽明之脉起於鼻交頤中傍約太陽之脉下循鼻外入上齒中還出俠口環唇下交承漿却循頤後下廉出大迎循頤車上耳前過客主人循髮際至額顙其支者從大迎前下入迎循頤嚙入缺盆下膈屬胃絡脾其直者從缺盆下乳內廉下俠臍入氣街中其支者起于胃口下循腹裏下至氣街中而合以下髀關抵伏兔下膝膕中下循脛外廉下足跗入中指內間其支者下廉三寸而別下入中指外間其支者別跗上入大指間出其端次注足太陰

足太陰之脉起於大指之端循指內側白肉際過羣骨後上內踝前廉上膕內循脛骨後交出厥陰之前膝股內前廉入腹屬脾絡胃上膈俠咽連舌本散舌下其支者復從胃別上膈注心中次注手少陰

手少陰之脉起於心中出屬心系下膈絡小腸其支者從心系上俠咽繫目系其直者復從心系却上肺下出腋下下循臑內後廉行大陰心主之後下肘內循臂內後廉抵掌後銳骨之端入掌內後廉循小指之內

出其端次注手太陽

手太陽之脉起於小指之端循手外側上腕出踝中直上循臂骨下廉出肋內側兩筋之間上循臑外後廉出肩解繞肩胛交肩上入缺盆絡心循咽下膈抵胃屬小腸其支者從缺盆循頸上頰至目銳眦却入耳中其支者別頰上頰抵鼻至目內眦斜絡于顴次注足太陽

足太陽之脉起於目內眦上額交巔其支者從巔至耳上角其直者從巔入絡腦還出別下項循肩髃內俠脊抵腰中入循膂絡腎屬膀胱其支者從腰中下俠脊貫髂入腠中其支者從膂內左右別下貫腓俠脊內過髀樞循髀外從後廉下合腠中以下貫踵內出外踝之後循京骨至小指外側次注足少陰

足少陰之脉起於小指之下斜趨足心出于然谷之下循內踝之後別入跟中以上端內出腠內廉上股內後廉貫脊屬腎絡膀胱其直者從腎上貫肝鬲入肺中循喉嚨挾舌本其支者從肺出絡心注胃中次注手

手厥陰之脉起於胸中出屬心包下歷絡三焦其支者循胸出脇下腋三寸上抵腋下行大陰少陰之間入肘中循臂內入掌中循中指出其端其支者從掌中循小指次指出其端次注手少陽

手少陽之脉起於小指次指之端上出兩指之間循手裏腕出臂外兩骨之間上貫肘循臑外上肩交出足少陽之後入缺盆布臆中散絡心包下臑循臑三焦其支者從臆中上出缺盆上項繫耳後直出耳上角以屈下頰抵頤其支者從耳後入耳中出走耳前過客主人前交頰至目銳眥次注足少陽

足少陽之脉起於目銳眥上抵頭角下耳後循頸行手少陽之前至肩上却交出手少陽之後入缺盆其支者從耳後入耳中出走耳前至目銳眥之後其支者別銳眥下大迎合于手少陽抵於頤下加頰車下頤合缺盆以下胸中貫臑絡肝屬膽循脇裏出氣街遶毛際橫入脾臍中其直者從缺盆下腋循胸過季脇下合脾臍中以下循臍少陽出臍外臍下

外輔骨之前直下抵絕骨之端下出外踝之前循足跗上入小指次指之間其支者別跗上入大指之間循大指岐骨內出其端還貫爪甲出三毛次注足厥陰

足厥陰之脉起於大指叢毛之際上循足跗上廉去內踝一寸上踝入寸交出太陰之後上脰內廉循肢陰入毛中過陰器抵小腹俠胃屬肝絡膽上貫鬲布脇肋循喉嚨之後上入頰頰連目系上出額與督脉會於顛其支者從目系下頰裏環唇內其支者復從肝別貫鬲上注肺次注手太陰

### 奇經八脉

督脉者起於下極之脰並於脊裏上至風府入屬於腦  
任脉者起於中極之下以上毛際循腹裏上關元至咽喉上頰循面入頰  
衝脉者起於氣衝並足陽明之經俠臍上行至胃中而散  
帝脉者起於季脇回身一周

陽蹻脉者起於跟中循外踝上行入風池。

陰蹻脉者起於跟中循內踝上行至咽喉交貫衝脉。

陽維起於諸陽之會。

陰維起於諸陰之交。

### 診脉

皇極經云。人之四肢各有脉也。下脉三部。下部三候。以應天數也。下脉三部。寸關天也。下部三候。浮中沉也。所以應之九數也。愚謂脉之理亦微矣。人有四時之正脉。有平生之常脉。有內傷之變脉。有外感之邪脉。有重陰之脉。有重陽之脉。有陽虛而陰乘之脉。有陰虛而陽乘之脉。有陽極而陰生之脉。有陰極而陽生之脉。有獨見之脉。有兼見之脉。有初病之脉。有將愈之脉。有可治之脉。有不治之脉。有左右上下表裏之間有餘不足。惟在乎分別陰陽。能分別陰陽。斯可以識脉之體。劉復真曰。昔王叔和以七表八裏脉。決人之生死。然又文理浩繁。今撮其樞要。以

沉遲數四脉爲宗。知風氣冷熱主病。且浮而有力者爲風浮而無力爲虛沉而有力爲積沉而無力爲氣遲而有力爲痛遲而無力爲冷數而有力爲熱數而無力爲瘡更分三部在何部得之若在寸部主上焦頭面胸膈之疾關部主中焦肚腹脾胃之疾尺部主下焦小腹腰足之疾診其五臟何臟得之六腑亦然學者又當以意會而加精別庶不致按寸握尺之誚云。

七表八裏總歸四脉

浮脉屬陽主表。舉指輕按而得之曰浮。

浮而有力爲洪。○浮而無力爲芤。○浮而長大爲實。

沉脉屬陰主裏。舉指重按而得之曰沉。

沉而有力爲滑。○沉而無力爲弱。○沉而似有似無爲微。○沉而

遲脉屬陰在臟。舉指半重按之在內再按乃見。丁息三至曰遲。

遲而有力爲瀯。○遲而無力爲濡。○遲而似有似無爲緩。



數脉屬陽在腑 舉指輕按而極急下息六至曰數

數而有力為弦○數而無力為緊

寸部主上焦頭面之疾凡於脉至處而見者謂之有力按至骨而無者

浮而無力主風主頭面眼目虛浮身重風寒齒痛口眼喎斜

沉而無力主積主胸膈痞滿咳嗽氣急膈氣番胃胸滿不食

遲而無力主冷主嘔吐痞滿不入水谷虛汗拘急疼痛不已

數而無力主熱主上焦煩燥口苦咽乾客熱煩渴頭痛口瘡

關部主中焦胸腹之疾

浮而無力主風主兩臂拘攣不能舉運背脊筋疼身軀麻木

沉而無力主積主膨脹屢嘔心腹疼痛上下關格不思飲食

遲而無力主冷主痠痺腹痛遊走不定上下攻刺番胃吐食

數而無力主熱主口熱作渴嘔吐霍亂怔忡煩燥寒熱交爭

尺部主下焦腰足之疾

浮而有力主風主寒邪腰痛腿膝麻木陰莖腫痛大小便不利

沉而有力主積主臍下緊痛脚膝酸痛下虛盜汗小便頻數

遲而有力主痛主小腹急痛外腎漏墜小便頻數大便泄瀉

數而有力主熱主小便不通大便閉塞或作腎癰煩渴不止

五臟見浮脉主風虛之病

心脉浮主心虛驚悸神不守舍舌強不語語言錯亂

肝脉浮主中風癰瘕筋脉牽搖面腫牙疼腸風下血

脾脉浮主脾虛作脹飲食不進上氣喘急嘔逆泄瀉

肺脉浮主咳嗽氣急太便風秘面浮面蒼吐血唾膿

腎脉浮主腰疼牙痛小腹氣痛腿足生瘡足膝無力

五臟見沉脉主痰氣之病

心脉沉主小便淋瀝咯血尿血小便不通寤而不寤心驚

肝脉沉主怒氣傷肝脇痛肥氣眼目昏痛肚腹脹滿

脾脉沉

主中滿不食痞氣色黃手足不仁嘔吐泄瀉身腫

肺脉沉

主咳嗽多痰上氣喘色嘔血失聲息賁肺癰

腎脉沉

主風滯腰疼小便不利陰癰作脹奔豚腹滿

五臟見遲脉

主冷痛之病

心脉遲

主小便頻數心疼嘔水怔忡多悸伏梁臍痛

肝脉遲

主筋挛骨痛目昏多淚觸事易驚轉筋麻木

脾脉遲

主咳嗽泄瀉腹中有虫瘰癧多壅飲食不化

肺脉遲

主寒嗽喘滿太便秘瀉皮膚燥澁夢泄大水

腎脉遲

主小便頻數滑精不禁腰膝酸疼陰濕盜汗

五臟見數脉

主瘡熱之病

心脉數

主煩燥狂言舌上生瘡小便赤澀眼目昏花

肝脉數

主眼痛翳膜目昏多淚頭風眩暈婦人血熱骨蒸及中風

脾脉數

主口臭胃番齒痛牙宣多食不飽四肢不舉

肺脉數 主咳嗽唾血喉强目赤大便閉結面生斑痧  
腎脉數 主消渴不止小便血淋下注生瘡陰囊濕癢

八論五臟見四脉應病詩

左寸心部 浮數頭疼熱驚悸浮遲腹冷胃虛真沉數狂言并口強沉遲

氣短力難成 主氣不扣接續

左關肝部 浮數思風筋即抽浮遲冷眼淚難收沉數背瘡常怒氣沉遲

不睡損髮睖

左尺腎部 浮數勞熱小便赤浮遲陰腫濁來侵沉數腰疼生赤瀉沉遲

白濁耳虛鳴

右寸肺部 浮數中風喉熱閉浮遲冷氣渴難禁沉數風痰并氣喘沉遲

氣弱冷涎停

右關脾部 浮數齧宜并盜汗浮遲胃冷氣虛膨沉數熱多并口臭沉遲

腹滿脹堅生

右尺命門 浮數泄精 三焦熱浮邊 冷氣濁時臨 沉數渴來小便數 沉遲

虛冷小便頻

九內因脉 喜怒憂思悲恐驚內應氣口

喜則傷心脉必虛

思傷脾脉結中居

因憂傷肺脉必滿

怒氣傷肝脉便濡

恐傷於腎脉沉是

緣驚傷胆動相頻

脉緊因悲傷胞絡

七情氣口內因之

十外因脉 風寒暑濕燥火燥應人迎

緊則傷寒腎不移

虛因傷暑而胞推

滿緣傷燥須觀肺

細緩傷濕要觀脾

浮則傷風肝部應

弱為傷火察心知

六邪合脉須當審

免使將寒作熱醫

十二不內不外因脉

勞神役慮定傷心

虛滿之中仔細尋

勞役陰陽傷腎部

忽然緊脉必相侵

房帷任意傷心絡

微滿之中宜忖度

疲極筋力便傷肝  
未可輕將下例推  
叫呼損氣因傷氣  
生死吉凶都在是

十二定死脉形候歌

指下如湯沸湧時  
魚翔腎絕亦如期  
三陽谷氣久虛空  
髓竭骨枯見兩尺  
雀啄連連來數急  
如刀壓乃細推求  
指下渾然如轉豆

十三脉辨生死

指下尋之脉弦弱  
飢則緩弦當別議  
燥弱脉中宜熟記

旦占夕死定無疑  
去疾來遲熱劈劈  
胃氣分明屋漏滴  
蝦遊狀如蝦蟇遊  
脾無穀氣定難留  
更有肺枯井胃之  
三元正氣已漂流

飲食飢飽並傷脾  
若然滑實飽無疑  
能通不內外中因

尾掉搖搖頭不動  
命絕脉來如彈石  
散亂還同解索形  
魂去行屍定生變  
欲知心絕并榮絕  
如麻戚促至無休

洞虛子曰：蝦遊雀啄，代止之脉，故名死症。須知來氣閉格者，時復有之。若非諸練敗歷，未免依經斷病而貽笑於大方也。蓋病勢消復殆盡，其氣不能相續，如蝦遊水動，屋漏點滴而無至者，死脉也。其或痰凝氣滯，閉格不通，則其脉固有不動者。有三兩路亂動，時有時無者，或尺寸一有一無者，有閉脉絕骨不見者，或時動而大小不常者，有平居之人忽然而然者，有素患痰病而不時而然者，有僵仆卒中而然者，皆非也。

十四診雜病生死候歌

五十不止身無病，數內有止皆知定。

止猶代脉也。脉來五十動而不見一止者，無病也。五十配天地造化之數，易繫辭曰：「大衍之數五十，五十乃備。」一乃數之始，十乃數之極。人之脉息晝夜循環五臟脉，一動循一臟，五動循環五臟遍，五十動是十次五臟循環遍，則數皆極處而不見止者，五臟皆平，故無病也。

四十正一勝絕，却後四年多沒命。三十正一止，即三年二十正一止，一年應十

五十一止十年殂。已下有正看暴病。

四十動而見一止者。是一臟欠動。脈之極數。故知一臟絕也。先絕腎經。何以言之。夫天一生水。腎屬水。生成之一數也。人之五臟所生。先生乎腎。腎水生肝木。肝木生心火。命門火生脾土。脾土生肺金。所以先絕腎期。應四年而死。三十動而見止者。兩臟欠動。脈之極數。是短腎與肝。二經無氣。期應三年而死。二十動而止者。三臟欠動。脈之極數。是腎肝心三臟無氣。期應二年而死。十五動而一止者。知腎肝心脾四臟皆無氣。期一年而絕也。

新註云。上言脈之動止。未知診切何部而取。據謹按素問難經云。每於平旦寅時。日未出。飲食未進。血氣未亂。醫者可以存神定意。心無外馳。診於指下。右手寸口默數。脈息至止以決之。夫寸口者。右手氣口也。內經曰。氣口何以獨為五臟主。岐伯曰。胃者。水穀之海。六腑之太源也。五味入口。藏於胃。聚現於氣口。又曰。脈會太淵。寸口是太淵穴也。是知寸口為



脉木會之處故能決斷五臟六腑生死吉凶矣。

主診暴病歌

兩動一止或三四二動一止六七死四動一止即八朝以此推排但依穴  
池氏曰暴病者喜怒驚恐其氣暴逆致風寒暑濕所侵病生卒暴拍動  
胃氣而絕即死不過日也脉兩動而一止乃胃氣將絕猶得三四日方  
死三動一止而胃氣將盡猶得六七日死穀氣絕盡方死倣此而推若  
至十五動而一止乃死期在於一年矣。

又歌曰

寸平無病何謂死尺澤原來脉不存君知此理是何物猶如草木一無根  
六諸脉宜忌生死類太數

中風宜浮遲忌急實

傷寒熱病宜洪大忌沉細主有變

傷寒已得汗脉沉小者生浮大者死

咳嗽宜浮濡忌伏沉

心腹痛宜沉細遲忌浮大弦長堅疾

腹脹宜浮大忌沉小

頭痛宜浮滑忌瀹短

喘急宜浮滑忌瀹

心腹積聚脉堅強急者生虛弱者死

癰病脉虛可治實則死又云脉堅實者生沉細小者死

狂疾宜實大忌沉細

霍亂宜浮洪忌微遲

鼻衄宜沉細忌浮大

金瘡宜微細忌緊數

腸辟下膿血宜浮小沉遲忌數疾大

墜墮內傷宜緊弦忌小弱

腹中有積忌虛弱

血脫而脉實者危

病在中脉虛者危

下痢宜微小忌大浮洪

溫病穰穰太熱其脉細小者死

唾血宜沉弱忌實大

上氣浮腫宜沉滑忌微細

中惡宜緊細忌浮大

中毒宜洪大忌細微

吐血宜沉小弱忌實大

風痺痿軟宜虛濡忌數

病熱脉靜者危

泄而脉大者危

病在外脉瀹者危

瘡疽膿血太泄脉滑數者危

婦人帶下宜遲滑忌浮虛急疾

婦人妊六七个月宜實大弦緊忌沉細虛弱

婦人產前脉細小者危

婦人產後右寸數者危

婦人已產宜小實沉細緩滑微小忌浮虛實大弦急牢緊

頭痛目痛卒視無所見者死

腸辟下血身熱則死寒則生

洞泄食不化不得留下膿血脉微小連者生緊急者死

欬嗽羸瘦脉形堅大者死

消渴脉數大者生細小浮短者死

水病脉洪大者可治微細者不可治

厥逆汗出脉堅強急者生虛緩者死

病風不仁痿痺脉虛者生堅急疾者死

上氣喘急低昂其脉滑手足溫者生脉澁四肢寒者死

扁鵲華陀察聲色秘訣

病人五臟已奪神明不守聲嘶者死

病人陰陽俱絕掣衣振舌妄言者死

病人陰陽俱絕朱音不能言者死

病人面黃目青者不死青如草莖者死

病人面黃目白者不死白如枯骨者死

病人面目俱等者不死

病人面青目白者死

病人面黃目青者九日必死

病人面赤目白者十日死憂悲思慮心氣內紫面色反好急求棺槨

病人面白目黑者死此謂榮華已去血脉空索

病人面黑目白八日死腎氣內傷病因留積

病人面青目黃者五日死

病人着床心痛短氣脾竭內傷百病復愈

病人循衣縫譫言者不可治

病人妄語錯亂及不能語者不可治

病人兩目皆有黃色起者其病方愈

病人面赤目黃者不死赤如衄血死

病人面黃目黑者不死黑如煤死

病人面黑目青者不死

病人面赤目青者六日死

見謂亂經飲酒當風邪入胃經脾氣妄津目則為青絲有夭折不可復生

能起復後因坐於地其立倚床能治此者可謂神良

病人面無精彩若土色不受飲食者四日死。

病人目無精光及牙齒黑色者死。病人口張者三日死。

病人耳目及顴頰赤者死在五日中。

病人黑色出於額上髮際下直鼻脊兩顴上者亦死五日中。

病人及健人黑色若白色起入目及鼻口者死在二日中。

病人及健人面忽如馬肝色望之如青近之如黑者死。

病人面黑目直視惡風者死。病人面黑唇青者死。

病人面青唇黑者死。病人面黑兩脇下滿不能自轉反者死。

病人目不回直視肩息者一日死。病人陰結陽絕目精脫恍惚者死。

病人陰陽竭絕目眶陷者死。病人眉系傾者七日死。

病人口如魚口不能復閉而氣出多不返者死。

病人耳目口鼻有黑色起入于口者必死。

病人唇青人中反者三日死。病人唇反人中滿者死。

病人唇口忽乾者不治

病人齒忽變黑者十三日死

病人汗出不流舌卷黑者死

病人髮如乾麻善怒者死

病人爪甲青者死

病人手足爪甲下肉黑者八日死

病人卒腫其面蒼黑者死

病人臍腫反出者死

病人脉絕口張足腫者五日死

病人足趺上腫兩膝大如斗者死

病人尸臭者不可治

心病目黑腎之日壬癸死

病人唇腫齒焦者死

病人舌卷而縮者必死

病人髮直者十五日死

病人髮與眉衝起者死

病人爪甲白者不治

病人榮衛竭絕面浮腫者死

病人手掌腫無文者死

病人陰囊並俱腫者死

病人足趺腫嘔吐頭重者死

病人臥遺尿不覺者死

肝病皮白肺之日庚辛死

脾病唇青肝之日甲乙死  
腎病面腫唇黃脾之日戊己死

青欲如蒼璧之澤不欲如藍

白欲如鵝羽不欲如鹽

黃欲如羅縵雄黃不欲如黃土

赤欲如帛裏朱不欲如赭

黑欲如重漆不欲如炭

診五臟六腑氣絕證候

病人肝絕八日死何以知之面青但欲伏眠目視而不見人汗一作泣出如

水不止一日二日死

病人膽絕七日死何以知之眉暴之傾

病人筋絕九日死何以知之手足爪甲青呼罵不休一日八日死

病人心絕六日死何以知之肩息回視立死一日日事亭二日死

病人腸小腸絕六日死何以知之髮直如乾麻不得屈伸自汗不止

病人脾絕十二日死何以知之口冷足腫腹熱臃脹泄利不得出無時度

一日死

病人胃絕五日死何以知之脊痛腰中重不可反履十日死

病人肉絕六日死何以知之耳乾舌皆腫溺血太便秘泄十日死

病人肺絕三日死何以知之口張但氣出而不收十日死

病人太腸絕不治何以知之泄利無度利絕則死

病人腎絕四日死何以知之齒為暴枯面為正黑目中黃色腰中欲折自

汗出如流水十日死

病人骨絕齒黃落十日死諸浮脉無根者皆死已上五臟六腑為根也

### 臟腑論

心藏神腎藏精脾藏魂膽藏魄胃受物而化之傳氣於肺傳血於肝而傳水穀於脾腸矣腎北方天之水故以藏精精始為魂魄乃精之所出是精氣之佐使而並其出入水能生木木為之子故膽中藏魄心南方太虛火用以藏神生陽曰魂魄乃神之所自出是為神氣之所寓而隨其出入火能生土土為之子故脾中藏魂人之丁身精神其主而魂魄



其使也。人之主也。精神魂魄性之用也。血氣水穀形之用也。惟內外交相養則精神強而魂魄盛。性者受之天。必有藏焉。心者神所藏。腎者精所藏。脾者魂所藏。胆者魄所藏。統其藏者心也。故能發見於聲臭言視之間而不違其則者。所以靈也。形者資於地。必有腑焉。肺為傳氣之府。胃為化水穀之府。又為之膽腸。以流其渣滓濁穢。故天地之性。人為貴。豈若異端者之言。魂魄哉。愚謂人之飲食入口。由胃管入于胃中。其滋味滲入五臟。其質入於小腸。乃化之。則入於大腸。始分別清濁。渣滓濁者結于廣腸。津液清者入於膀胱。膀胱乃津液之府也。至膀胱又分清濁。濁者入於溺中。其清者入於胆。胆引入於脾。脾散於五臟。為涎為唾。為涕為淚。為汗。其滋味滲入五臟。乃成五汁。五汁同歸於脾。脾和乃化血行於五臟。五腑而統之於肝。脾不和乃化為痰血。生氣於五臟。五腑而統之於肺。氣血化精統之於腎。精生神統之於心。精藏二腎之間。謂之命門。神藏心之中。竅為人之元氣。氣從肺管中出鼻為呼吸也。

血氣論

人生之初具此陰陽則亦具此血氣所以得全性命者氣與血也血氣者乃人身之根本乎氣取諸陽血取諸陰血爲榮榮行脉中滋榮之義也氣爲衛衛行脉外護衛之意也人受穀氣於胃胃爲水穀之海灌漑經絡長養百骸而五臟六腑皆取其氣故清者爲榮濁者爲衛榮衛二氣周流不息一日一氣脉行五十度平旦復食于氣口陰陽相貫血榮氣衛常相流通何病之有一窒碍焉則百病由此而生且氣之爲病發爲寒熱喜怒憂思積痞疝瘕癥瘕上爲頭旋中爲胸隔下爲臍間動氣或喘促或咳噫聚則中滿逆則足寒凡此諸疾氣使然也血之爲病妄行則吐衄衰涸則虛勞蓄之在上其人亡蓄之在下其人狂逢寒則筋不榮而寧急挾熱則毒內瘀而發黃在小便爲淋痛在大便爲腸風婦人月事進退漏下崩中病症非一凡此諸疾皆血使之也夫血者譬則水也氣者譬則風也風行水上有血氣之象焉蓋氣者血之師也氣行則

血行氣止則血止氣溫則血滑氣寒則血凝氣有子息之不運則血有  
丁息之不行病出於血調其氣猶可以導達病原於氣區區調血又何  
加焉故人之一身調氣爲上調血次之先陽後陰也若夫血有敗瘀滯  
泥諸經壅遏氣之道路經所謂去其血而後調之不可不通其變矣然  
調氣之劑以之調血而兩得調血之劑以之調氣則乖張如木香官桂  
細辛厚朴烏藥香附三稜莪朮之類治氣可也治血亦可也若以當歸  
地黃輩施之血証則可然其性纏滯有虧胃氣胃氣虧則五臟六腑之  
氣亦餒矣善用藥者必以助胃藥助之凡治病當識本末如嘔吐痰涎  
胃虛不食以致發熱若以涼劑退熱則胃氣愈虛熱亦不退宜先助胃  
止吐爲本其熱自退縱然不退但得胃氣已正旋與鮮熱又有傷寒本  
熱兼用寒涼踈轉其熱不退但與調和胃氣自然安愈  
心爲血之主肝爲血之藏肺爲氣之主腎爲氣之藏止知血之出於心  
而不知血之納於肝知氣之出於肺而不知氣之納於腎徃徃用藥南

輔北轍矣。假如血痢以五苓門冬等劑行其心。巴豆大黃逐其積。其病猶存者。血之所藏無以養也。必佐以芎歸。則病自止。假如喘嗽以枳殼桔梗紫蘇桂姜橘等劑調其氣。以南星半夏細辛豁其痰。而終不升降者。氣之所藏無以收也。必佐以補骨脂輩。則氣歸原矣。病有標本治有先後。綱舉而目斯張矣。噫。此傳心至妙之法。敢不與衛生君子共之。

### 脾胃論

夫脾胃者倉廩之官也。屬土以滋衆臟。安穀以濟百骸。故胃於中宮。職司南政。旺於四季。體應四肢。胃形如囊。名水穀之海。脾形若掌。乘呼吸而升降。司運化之權。其致呼吸者。元氣也。脾居其間。附胃磨動。所以穀氣消而轉輸也。胃屬於戊。脾乃已也。至哉坤元。萬物滋生。人之三元。三焦之氣。五臟六腑之脉。統宗於胃。故人以胃氣爲本也。凡善調脾胃者。當惜其氣。氣健則升降不失其度。氣弱則積滯矣。運食者。元氣也。生血氣者。飲食也。無時不在。無時不然。故無專名。亦無定位。經言胃氣脉不可

得見衰乃見耳。六脉之偏勝而出獨弦獨浮獨洪獨沉之脉。是脉無胃氣之神也。甚至屋漏雀啄等脉。必元氣先竭。然後胃氣不相接濟。故也。氣將絕。則升降之道廢。運化之機弛也。大凡膈不快。食不美者。是氣之虛也。苟或飲食自倍。所傷乃一時膨悶。過則平矣。若傷之日久。仍不寬快者。得非元氣虧損。而胃氣弱乎。古今論脾胃及內外傷辨。惟東垣老人用心矣。但繁文衍義。卒難措用。蓋內傷之要有三致焉。一曰飲食勞倦。即傷脾。此常人之患也。因而氣血不足。胃脘之陽不舉。宜補中益氣湯主之。二曰嗜慾而傷脾。此富貴之患也。恣以厚味。則生痰而泥膈。縱其情慾。則耗精而氣散。內經曰。腎者胃之關。夫腎脉從脚底湧泉穴起。上股內廉夾任脉抵咽。噬精血枯。則乏潤下之力。故吞酸即艱難。胸膈漸不覺舒爽。宜加味六君子湯。加紅花三分。知母鹽炒一錢。主之。三曰飲食自倍。腸胃乃傷者。藜藿人之患也。宜保和丸。三因和中丸。權之。此內傷之由。如此而求本之治。宜養心健脾。疎肝爲要也。夫心氣和則脾

土榮昌。心火脾土之母。肝木脾土之賊。木曰曲直作酸。故疎肝則胃氣暢矣。肺乃傳送之官。肺主氣。屬金。肺金有力則能平肝木。不能作酸。爲脾胃家之通用。其功效不可盡述。原夫世俗但知枳木丸爲脾胃之要藥者。庸醫之傳也。人或信爲健脾胃之藥而可久服。謬之甚矣。不特無效。抑且剝削真氣。凡知素難木旨者。察安危全在於胃氣。蓋三焦司納司化司出者。本諸元氣。凡治內傷不知惜氣者。誠實費虛虛之謂。學者宜致思焉。

。五運六氣

夫五運者。金木水火土也。六氣者。風寒暑濕燥火也。天干取運。地支取氣。天干有十。配合則爲五運。地支十二對。值則爲六氣。木氣始於甲。地氣始於子。天地相合則爲甲子。故甲子者。干支之首也。天氣終於癸。地氣終於亥。天地相合則爲癸亥。故癸亥者。干支之末也。陰陽相隔剛柔相

須是以甲子之後乙丑繼之。壬戌之後癸亥繼之。三十年爲一紀。六十年爲一周。太過不及斯皆見矣。然以天干兄弟次序言之。甲乙東方木也。丙丁南方火也。戊己中央土也。庚辛西方金也。壬癸北方水也。以其未婦配合言之。甲與己合而化土。乙與庚合而化金。丙與辛合而化水。丁與壬合而化木。戊與癸合而化火。故甲己之歲土運統之。戊癸之歲火運統之。詩曰。甲巳化土。乙庚化金。丁壬化木。蓋成林。丙辛化水。滔滔去。戊癸南方火。焰侵然。以地支循環之序言之。寅卯屬春木也。巳午屬夏火也。申酉屬秋金也。亥子屬冬水也。辰戌丑未屬四季土也。以其對衝之位言之。子對午而爲少陰君火。丑對未而爲太陰濕土。寅對申而爲少陽相火。卯對酉而爲陽明燥金。辰對戌而爲太陽寒水。巳對亥而爲厥陰風木。故子午之歲君火主之。丑未之歲濕土主之。寅申之歲相火主之。卯酉之歲燥金主之。辰戌之歲寒水主之。巳亥之歲風木主之。詩曰。子午少陰君火。暑丑未太陰濕土。兩寅申少陽相火。炎卯酉陽明燥

金主辰戌太陽司水寒巳亥厥陰風木舉然五運有主運有客運六氣有主氣有客氣主運主氣萬載而不易客運客氣每歲而迭遷然則客運也有太過焉有不及焉太過之年甲丙戊庚壬五陽干也不及之年謂乙丁己辛癸五陰干也太過者其至先不及者其至後客氣也有正化焉有對化焉正化之歲謂午未寅酉辰亥之年也對化之歲謂子丑甲卯戌巳之年也正化者令之實對化者令之虛假令甲子年甲爲主運統主一年子爲君火專司一歲二期三百六十五日零二十五刻正合乎周天三百六十五度四分度之一也一朞之中主運以位而相次於下客運以氣而周流於上主運者木爲初之運火爲第二運土爲第三運金爲第四運水爲第五運客運者假如甲巳年甲爲主運初之運即土也土生金二之運即金也金生水三之運即水也水生木四之運即木也木生火五之運即火也火生土每二運各主七十三日零五刻太過之年太寒前十三日交名曰先天不及之年太寒後十三日交名



日後夫平氣之年。正太寒日。交名曰齊天。一歲之內。主氣定守於六位。  
客氣循行於四時。主氣者。風爲初之氣。火爲二之氣。暑爲三之氣。濕爲  
四之氣。燥爲五之氣。寒爲終之氣。客氣者。假令子午年。少陰君火司天。  
陽明燥金司地。太陰濕土爲天之左間。厥陰風木爲天之右間。所以面  
南而命其位也。一氣在上。一氣在下。二氣在左。二氣在右。經曰。天地者  
萬物之上下也。左右者陰陽之道路也。地之左間爲初之氣。天之右間  
爲二之氣。司天爲三之氣。天之左間爲四之氣。地之右間爲五之氣。司  
地爲終之氣。每丁氣各王六十日。八十七刻半有奇。申子辰之年。太寒。  
日寅初一刻。交初之氣至。春分日子時之末。交二之氣至。小滿日亥時  
之末。交三之氣至。太暑日戌時之末。交四之氣至。秋分日酉時之末。交  
五之氣至。小雪日申時之末。交終之氣。所謂一六天也。巳酉丑之年。太  
寒。日巳初一刻。交初之氣至。春分日卯時之末。交二之氣至。小滿日寅  
時之末。交三之氣至。太暑日丑時之末。交四之氣至。秋分日子時之末。

交五之氣至小雪之日亥時之末交終之氣所謂二六天也寅午戌之年太寒日申初一刻交初之氣至春分日午時之末交二之氣至小滿日巳時之末交三之氣至太暑月辰時之末交四之氣至秋分日卯時之末交五之氣至小雪日寅時之末交終之氣所謂二六天也亥卯未之年太寒日亥初一刻交初之氣至春分日酉時之末交二之氣至小滿日申時之末交三之氣至太暑日未時之末交四之氣至秋分日午時之末交五之氣至小雪日巳時之末交終之氣所謂四六天也蓋因客運加於主運之上主氣臨於客氣之下天時所以不齊民病所由也

### 五運主病

諸風掉眩皆屬肝木

掉搖也眩昏亂旋運也風主動故也所以風氣甚而頭目眩暈者由風木旺必是金衰不能制木而木復生火風火皆屬陽多爲兼化陽主主動兩動相搏則爲之旋轉故火本動也燭得風自然旋轉如春分至小

滿而爲一之氣分風火相搏則多起飄風俗旋風是也四時皆有之由五運六氣千變萬化衝蕩擊搏推之無窮安得失時而便謂之無也但有微甚而已人或乘車躍馬登舟環舞其動不止而左右紆曲經曰曲直動搖風之用也眩暈而嘔吐者風熱甚故也

諸痛痒瘡瘍皆屬心火

人近火氣者微熱則痒熱甚則痛附近則灼而爲瘡皆火之用也或痒痛如針刺者猶飛進火星灼之然也痒者美疾也故火旺於夏而萬物蕃鮮榮美也多之以火清火以湯而痒轉甚者微熱之所使也因而痒去者熱冷皮膚寬緩腰理開通陽氣得泄熱散而去故也或夏月皮膚痒而以冷水沃之不去者寒能收斂腰理閉密陽氣鬱結不能散越拂熱內作故也痒得爬而解者爬爲火化微則亦能令痒爬冷皮膚辛辣而屬金化辛能散故金化見而火力分解矣或云痛爲實痒爲虛非謂虛爲寒也正謂熱之微甚也或疑瘡瘍皆屬火熱而返腐出膿水打

何也。猶穀肉菜菓熟極則腐爛而潰為汁水也。潰而腐爛水之化也。蓋所為五行之理。過極則勝已者反來制之。故火熱過極則反無於水化。又如鹽能固物。令不腐爛者。鹹寒永化制其火熱使不過極。故得久固也。萬物皆然。

諸氣腫滿皆傷脾土。

地之體也。土濕過極則痞塞腫滿。物濕亦然。故長夏屬土則庶物隆也。諸氣腫滿病痿皆屬肺金。

臍謂臍滿也。鬱謂奔迫也。痿謂手足痿弱無力以運動也。木抵肺主氣。氣為陽陽主輕清而升。故肺居上部病則其氣臍滿奔迫不能上升。至於手足痿弱不能運動。由肺金本燥燥之為病。血液衰少不能榮養百骸。故也。經曰。目得血而能視。掌得血而能握。指得血而能攝。足得血而能步。故秋金旺則霧氣蒙鬱而草木萎落病之象也。痿猶衰也。

諸寒收引皆屬腎水。

收斂引急寒之用也故冬寒則拘攣矣

大氣為病

風類

諸暴強直支痛攣戾裏急筋縮皆屬於風厥陰風木乃肝膽之氣也

暴卒也強直堅勁也支痛支持也謂堅固支持筋攣不柔而痛也攣縮也戾乖戾也謂筋縮裏急乖戾失常而病也然燥金主於緊斂短縮勁切風木為病反見燥金之化若由亢則害奉乃制也况風能勝濕而為燥也風病熱甚而成筋絏者燥之甚也故甚者皆兼於燥也

熱類

諸病喘嘔吐酸暴注下迫轉筋小便渾濁腹脹大鼓之如鼓癰疽癆瘡瘧氣結核吐下霍亂腎癰腫脹鼻窒衄血溢血泄利閉身熱惡寒戰慄驚惑悲哭譫妄衄血汗皆屬於熱少陰君火之熱乃真心小腸之氣也○喘火氣甚為夏熱衰為冬寒故病寒則氣衰而息微病熱則氣盛而息粗而為喘也

○嘔胃膈熱甚則爲嘔火氣炎上之象也

○吐酸者肝木之味也由火盛制金不能平木而肝木自甚故爲酸也如飲食熱則易於酸矣或言吐酸爲寒者誤也且如酒之味苦而性熱能養心火故飲之則令入色赤氣粗脉洪大而數語證安歌唱悲哀喜怒如狂胃味健忘煩渴嘔吐皆熱症也其吐必酸爲熱明矣况熱則五味皆厚經曰在地爲化化生五味故五味熱食則味皆厚也是以肝熱則口酸心熱則口苦脾熱則口甘肺熱則口辛腎熱則口鹹或口淡者胃熱也胃屬土土爲萬物之母胃爲五臟之本故傷生冷堅硬之物則令人噎噎吞酸猶寒傷皮毛能令陽氣壅滯而爲病熱也俗醫妄以爲冷主溫和脾胃而復愈者猶傷寒用麻黃桂枝藥發去令汗出而愈也若久吐酸不已則不宜溫之當以寒藥下之後以涼藥調之所以中酸而不宜食油膩之物者蓋因能令氣之壅塞也

○暴注卒瀉也腸胃熱甚而傳化失常火性疾速故也

○下迫裏急後重也。火能燥物，能令下焦急迫也。

○轉筋熱燥於筋，而筋轉也。或言轉筋爲寒者，誤也。所謂轉者，動也。陽動陰靜，熱症明矣。霍亂吐瀉之人，必有轉筋之症。大法吐瀉煩渴爲熱，不渴爲寒。霍亂轉筋而不渴者，求之有也。或曰以溫湯漬之，則愈。以冷水沃之，則劇。何也？蓋溫湯能令腠理開發，熱氣消散，轉筋即止。冷水能令腠理閉密，熱氣鬱塞，轉筋不止。世俗見溫湯漬之而愈，妄疑爲寒也。

○小便渾濁，天氣寒則水清，天氣熱則水渾濁。如清水爲湯，則自渾濁也。

○腹脹大鼓之如鼓，氣爲陽熱甚，則氣盛故腹脹滿也。

○癰淺而大也。經曰：熱勝血則爲癰，膿也。

○疽深而惡也。

○瘍有頭小瘡也。

○疹浮小隱疹也。

○瘤氣赤癰丹燥熱勝氣也。

○結核熱氣鬱結堅硬如果中核也不必潰散但令熱氣散自然清也  
○吐下霍亂三焦爲水穀傳化之道路霍亂吐下傳化失司而吐瀉霍亂  
也或言吐瀉爲寒者誤矣太法吐瀉煩渴爲熱不渴爲寒或熱吐瀉如  
得之亦有不渴者若止則亡液而後必渴或寒不渴若亡津液過多則  
亦燥而渴也大抵完穀不化而色白吐利腥穢澄徹清冷小便清白不  
澁身涼不渴脈沉細而遲者寒証也如小兒病熱吐利乳未消而色尚  
白不可便言爲寒當以飲食藥物之色別之若穀雖不化而色黃非白  
小便赤黃吐利煩渴脈洪大而數者熱証也蓋瀉白爲寒餘皆爲熱瀉  
白者肺金之色也由寒水甚而制火不能平金肺金自其故色白也瀉  
青者肝木之色也由火盛制金不能平木肝木自其故色青也如陽寒  
少陰下利清水色純青仲景以大承氣瀉下之爲熱明矣瀉黃者脾土  
之色也由火盛水衰脾土自旺故色黃也瀉紅者心火之色也瀉黑者  
腎水之色也由亢則害承廼制火熱過極反秉水化制之故色黑也下



痢色黑者即死又如瘡痢皆屬火熱其本一也其標則有五焉以其在皮膚之分屬肺金故出白膿以其血脈之分屬心火故爲血痢以其在肌肉之分屬脾土故出黃膿以其在筋之分屬肝木故其膿色帶蒼綠至骨屬腎水故紫黑血也若以下痢黑者爲寒然則瘡痢之出紫黑血者亦爲冷嗽又如前痢本濕熱之相兼也舉世皆言赤痢爲熱白痢爲寒者誤之久矣殊不知陰陽之道猶權衡也一高則必一下一盛則必一衰故陽盛者陰必衰陰盛者陽必衰自然之理也豈有陰陽一氣俱盛於腸胃而同爲赤白之痢乎夫痢何也蓋因六七月間世之穀肉果菜溫熱大盛人食之盛而毒氣於腸胃而化爲污水腐爛爲膿血而下赤白也治痢之法當以苦寒之藥治之如晉朝錢仲陽處方連丸以治小兒之痢深得其理亦查古溫黃連苦寒苦能燥濕寒能勝熱熱能開發腸胃之鬱結愈痢多矣今世俗醫但以苦熱藥桂之藥以治諸痢病之微者能令腸胃開通鮮結消散苟傷一愈病之甚者轉熱不問痢疾

轉甚輕則爲小溲不通水腫之疾重則爲腎亂之病而死矣深可歎哉  
又如婦人赤白帶下之病同乎痢也蓋人有十二正經脉有奇經八脉  
帶脉者奇經之一也起於季脇回身一周如束帶然婦人下焦濕熱太  
甚津液湧溢從帶脉淋瀝而下也舉世皆言白帶爲寒者亦誤矣凡病  
此者必頭目昏眩口苦舌乾咽嗌不利小使赤澀大便閉滯脉實而數  
皆熱症也治帶下之法亦以辛苦寒藥爲主不可驟用燥熱之藥以損  
人生命也又如酒盞而大便濡瀉者亦由濕熱也或水腫或發黃皆濕  
熱也嗚呼人既有形不能無病有生不能無死然醫者但當按法治之  
若標本不明陰陽不審誤投湯藥實實虛虛而死者是誰之過歟故曰  
世無良醫枉死者半詎不誣矣

○腎神昏而氣濁也

○鬱熱極則腠理鬱結而氣道不通也

○腫脹陽熱太甚則腫滿腹脹也如六月廢物隆盛腫脹之象明可見矣

○鼻窒謂鼻塞也。傷風寒於腠理而為鼻者寒能收歛陽氣不通暢也。人側卧則下竅通利上竅反塞者謂陽之經左右相交於鼻也。

○熱鼻出清涕也。

○衄鼻出血也。

○血溢血出於上竅也。

○血泄血出於下竅也。

○淋熱客膀胱小便澀痛也。或曰小便澀而不通為熱遺精不禁為冷。豈知熱甚客于腎部于於足厥陰之經。廷孔鬱結極其氣液不能宣通故痿痺而神無所用津液滲入膀胱而為澀也。如傷寒少陰熱極則遺洩其理明矣。世傳衆方又有冷淋之說可笑也已。及觀其所治之方遂用榆皮蘗麥若寒之藥其說雖妄其方乃是。由不知造化變通之理宜半認是而作非也。學不明而欲為醫難矣哉。

○悶大便澀滯也。由火盛制金不能平木肝木生風風能勝濕熱能耗液。

故也

○身熱惡寒邪熱在表而返惡寒也故仲景治傷寒之法以麻黃湯汗之或曰寒在皮膚則熱在骨髓熱在皮膚則寒在骨髓此說非也

○戰慄謂火熱過極反兼水化制之故戰慄而動搖也傷寒日深大汗將出必先戰慄熱極故也人恐懼而戰慄者恐則傷腎水衰故也

○驚心卒動而不寧也

○惑疑感而志不一也

○悲謂心血熱盛則凌肺金金不受剋故發悲哭也悲哭而涕淚俱出者如火煉金反化為水也是以肝熱甚則出泣心熱甚則出汗脾熱甚則出涎肺熱甚則出涕腎熱甚則出淫猶夏熱太盛則林木流津也

○笑心火熱盛喜志發也或以輕手擾入脇肋膈腋令痒而笑者擾亂動撓火之化也

○譫多言也心熱神亂則語言妄出也

○妄狂妄也心熱神昏則目有所見也。

○衄衄血汗謂鼻出黑血也。

### 濕類

○諸瘕強直積飲瘕膈中滿吐下霍亂轉重肝腫肉如泥按之不起皆屬於濕太陰濕土乃脾胃之氣也。

○瘕瘕也強直謂強項也太陽經中濕則令人項強有汗者曰陰瘕仲景所謂柔瘕是也無汗者曰陽瘕仲景所謂剛瘕是也。

○積飲謂留飲也。

○痞否也謂氣不升降也如否卦陽在上陰在下則天地閉塞矣。

○膈阻滯也腸胃滯甚則傳化失常也。

○中滿土位中央濕則令人中焦滿也。

○吐下霍亂謂腸胃濕飲相兼故也。

○轉重清陽為天濁陰為地濕土為病轉重宜也。

○附腫濕勝於下也。

○肉如泥按之不起濕勝於身也。

火類

○諸熱腎熱暴瘖。胃脉躁擾狂越。罵詈驚駭。肘腫疼酸。氣逆衝上。禁慄如  
發。神守嘔噦。瘡瘍喉痺。耳鳴及聾。嘔噦涌溢。食不下。目昧不明。暴注瞋膜。  
暴病暴死。皆屬於火。少陽相火乃心胞絡二焦之氣也。

○腎腎也君火化同。

○瘕熱令肌肉躁動也。

○暴瘖卒啞也。心火熱盛上尅肺金不能發聲也。

○胃脉昏憤也。

○燥擾謂熱盛於外手足不寧也。

○狂越謂飛越禮法而失常也。經曰登高而歌棄衣而走罵言不避親疏  
熱極故也。

○罵詈言之惡也。水數一道近而善，火數二道遠而惡。心火熱極則言惡。

○驚駭者，火化同。

○胎腫熱勝於內也。

○疼酸酸疼者，由火盛制金，不能平木故也。

○氣逆衝上，火氣炎上也。

○禁慄如喪，神守慄戰慄也。禁冷也。喪神守火極而似冰化也。

○噫鼻中因痒而氣噴作干聲也。

○噦瘡瘍者，火化同。

○喉痺熱客上焦而咽溢腫也。

○耳鳴熱衝聽戶，耳中作聲也。

○聾水衰火盛，氣道閉塞耳不聞聲也。微則可治，久則難通。

○噦消游食不下，胃腸熱盛，火氣炎上之象也。

○目眊不明，五臟熱極則目昏不能視物也。

○暴注卒瀉君火化同

○調痰惕跳而肉動也

○暴病暴死火性疾速故也由其平日飲食衣服性情好惡不循其宜而失其常久則氣變興衰而爲病也蓋因腎水衰虛心火暴盛本不能測之熱氣怫鬱心神昏冒則筋不用卒倒而無所知也若熱甚至極則死微則發過如故俗云暗風若氣血鬱結不得宣通鬱極乃發若一側得通利否者溼而癱瘓也

### 燥類

○諸癰枯涸乾勁皴揭皆屬於燥陽明燥金乃肺與大腸之氣也

○滋潤身滋滯不潤澤也

○枯不榮生也

○涸不通流也

○乾不滋潤也

壽世保元



○動不柔和也。

○紋揭皮膚開裂也。皆血液病爾。

廿五 寒類

○諸病上下所出水液澄澈清冷。癥瘕癰疽堅痞腹滿急痛下痢清白。食已不飢吐利腥穢屈伸不便厥逆禁固皆屬於寒。足大陽寒水乃腎與膀胱之氣也。上下所出水液澄澈清冷。如天氣寒則水自然澄澈清也。

○癥氣聚之積。或聚或散。無有常處也。

○瘕血結之塊。蓋由女子月水沉滯。久而成瘕也。經曰。小腸移熱於大腸。為屈瘕。為沉。然則血瘕亦有熱者也。當以標本明之。

○癰疽足厥陰經受寒則陰腫也。

○堅痞腹滿急痛如冰寒則冰堅硬如地也。

下利清白水寒則清淨明白也。

○食已不飢。胃熱能消穀。寒則不能消穀。雖已而亦不飢也。

○吐利腥穢寒水甚而制火不能平金肺金自盛故水腥也。  
○屈伸不便厥逆禁固謂手足踳蹙而冷也。

亢則害承廼制體用說

夫氣滯太過曰亢則害物極而得復則曰承廼制也。蓋陰陽附藏乎氣以爲和五行偏勝而爲害。軒岐法則天地把握陰陽人稟太極全體至理而生成者也。故內經所言君火之下陰精承之相火之下水氣承之木氣之下金氣承之水氣之下土氣承之土氣之下木氣承之者謂土必旺水以承之子水也。承於土之下此乃先天和平之配偶耳。經言亢則害承廼制者謂其亢之爲害必得受害者之子以承其勝而制之也。則子復母豐之義耳。原夫木極似金火極似水土極似木金極似火火極似土如風木爲病掉眩甚則肢軀拘攣剛勁而不能動動極靜也。火之太過則燬木金溶人則渴汗土極之病肉瞶筋惕慢驚瘖瘖之類靜極動也。金熬斂則反熱水極則冰凝如石人病則收引痞結時工昧知陰陽生

殺之機不免火亢則害陰金症出燥慄腹寒當辨目之黃赤口之乾渴  
一使通寒脉之通氣以別是非非庶無誤人之弊設若口燥使赤脉  
不運然寒戰之甚急宜清涼為當時醫見燥慄厥逆惡寒不請厥深  
熱亦深之理逕投熱藥則如傷寒賦云桂枝下咽陽盛則斃又有陰症  
似陽者亦有謾言妄語欲吞泥水但不甚渴使清脉遲俗工認為陽治  
賦亦云承氣入胃陰盛乃亡凡為良醫者須懷理隨見可也所以承氣  
解毒等湯可治似陰之症理中四逆等湯可療似陽之症庸常昧知亢  
極之變誤指附子可以治熱病涼藥可以療寒厥殊不知有義理當然  
而用之也吁附子承氣備為明醫以救人何期又為庸醫之殺入仁人  
君子其亢則害奉迺制之理豈容不加究此心哉且如難症木亢則害  
其上也土受木之尅害則不善食木曰曲直曲直作酸故為膈噎中滿  
等症生焉其所承於木之下者肺金也土之子綠肺金主氣氣屬陽陽  
行健其播敷運化氣之力也肺金大腸臟同傳達今失木之亢也則健

金而害土必當扶土之子。金氣之壯則能制其木之過。所以法當滋其  
肺金之氣。則木可平。而土可保矣。俗夫反以耗氣散氣之藥。則金益衰。  
而木愈尅。可勝惜哉。又如火亢則害其肺金。金受火尅之極。病則惡寒。  
懣懣而發。晚熱咳渴。直俟夜半之後。氣血傳過。肺經得微汗。方解此係  
承迺制之義也。苟不扶水以濟金。即元氣日索矣。法當培其陰精。真水  
以禦君相二火之暴。則惡寒退而潮熱減。自汗而涼。正氣回也。人或以  
辛甘之劑。兼以解散。療之。則津液愈涸。而真陰愈竭。則虛其虛也。餘可  
類推。人身安危之機。在於陰陽互藏。以爲和。否則五行更勝尅害。而生  
病也。故經曰。氣之勝者。則薄其所不勝。而害其所能勝。嗟夫。亢之所以  
爲害。實在承之不足而起之也。確乎論歟。致中和以全生者。良醫也。大  
易曰。造物不致終窮。其久病有待。時令遷轉。而承迺制。而自愈矣。如傷  
寒待日期傳過。而涼者。即承迺制而痊也。此造物化工之妙耳。仲景之  
賢。則從漢書有云。不藥而愈。中醫可也。與其亢則害。承迺制之說。豈不

醫論

扁鵲論醫病有六不治駢然不論於理一不治也輕身重財二不治也衣  
食不能適三不治也陰陽并藏氣不定四不治也形骸不能張五不  
治也信巫不信醫六不治也雲林子曰越人之論一三四五六是矣二  
則於子心有未適然者何也輕者彼輕也重者彼重也彼輕而我重之  
則彼之生可活矣不然彼以一客而喪生固病者之不智予以一客而  
不治亦醫者之不仁噫古之神醫如此意猶存則世醫可知矣

本草門

藥論

夫藥者天地間之萬物也昔古神農憫蒼生之疾苦格物理之精微其用  
心可爲仁矣故本草藥品雖多然其味不過五乃甘辛酸苦鹹也而其  
性不過六溫涼補瀉升降者也且甘辛溫補升者陽也苦鹹涼瀉降者

陰也。淡滲壯而屬陽。酸性陽而味陰。故藥有純陽者。有純陰者。有陰中  
之陽。有陽中之陰。有專用其氣者。有獨用其味者。太抵味之厚者。必補  
氣之重者。必降。味淡則瀉。性輕則升。升者治在上。在表之病。降者治在  
下。在裏之疾。諸寒涼者。治乎血熱。諸溫熱者。治乎氣鬱。氣虛潤以濡。瘀  
澀以收。溫又甘為諸補之原。苦為諸瀉之本。辛香者。亦升泄之類。酸鹹  
者。皆補降之屬。所謂補者。性味各有所補。而其瀉者。亦各有所瀉。然補  
中有瀉。而瀉中有補。如酸入肝。生津以制燥。至苦入心。滋陰以降火。辛  
能潤肺。以退寒。酸可堅腎。以禦熱。如欲去其邪。在使復其正。瀉陽有以  
補陰。瀉陰有以補陽。降則通其自升。升則欲其自降。惟病有兼感。而法  
當合用。故方有奇偶。而藥有君臣。製之以散者。散也。或成之以散者。鎮  
也。用湯者。盪也。取氣味蕩洋而無所不至。用丸者。緩也。取氣味緩達而  
有所及。遠湯有往熱。瀉則宜生補。則宜熟。丸有大小。病在上者。宜小。丸  
服于食後。或散末以輕調。或含丸以緩化。病在下者。宜大。俱服于食前。

或藥後以食壓。或湯藥以頓服。吞補劑於蚤於未語之前。服痰藥當以衣臨臥之際。醇氣妙。祇醇之方。溫症利丸散之功。丸用甘草者。解諸藥毒。取甘以緩脾。劑投生薑者。行諸藥力。取率以開胃。故病以脾胃爲主。始得以攻病之力。用酒者。欲其上達。用鹽者。取其下行。丸和蠟者。以損其毒。裹用蠟者。以藏其氣。水丸求其速化。以清利。蜜丸取其緩行。以滋潤。用新者。速其功用。陳者。遠其毒。調脾胃之藥。宜五谷和氣血之劑。利同醋酒炒。以緩其性。泡以剖其毒。浸能滋陰。煉可助陽。但製有太過不及之弊。日用者。相反畏惡之情。有療之於理者。有療之以意者。又有不藥之術。出乎才智之巧。如針灸薰熨淋瀝之類。治六淫外病之藥也。有以入事真偽之機。委曲傍求之變動。入耳目移病者之心志。醫者散之散者。醫之勞者。逸之。靜者。動之。乃治七情內病之藥也。致有引運行調乎飲食起居。存中止之心。無欺妄之憂者。乃脩養之藥也。故藥者。非徒藥物之爲藥。而人事所宜之間。莫不爲之藥也。古有割積吐利蛇虫

魚鱉等法有真有假真固能去其病假亦可治其疾故世之引媚淫神  
符師厭禳異端虛巫固雖出誑誘之事亦或能解其病但世迷而惑於  
反致耽誤何其不明理之甚哉間或有出好異之士亦乃君民邪勝之  
災實無能以治正病反有以起其邪感所以天下之理有常有變常者  
人事之太義變者異端之虐妄如入之有邪術者妖也而物之有靈異  
者情也曰神者清陽之所化鬼者陰氣之所成四者雖殊然其變則一  
也且人身之疾有正有邪正者氣血之本病邪者莫測之怪疾如狐媚  
妖惑蛟螭射影鬼魅中惡傳尸之類也太抵妖不勝正而明足以通神  
精乃形之靈畏穢濁厲之物懼有毒以傷其體故狐媚利佩犬厭惡之  
製也畏乃無形之氣畏清陽之藥懼有聲能破其氣治鬼魅因以焚香  
擊鼓之法也昔古針能愈鬼而藥可驅毒矣邪祟於鬼服知病厄於官  
官事當去之丈男數土木之侍女此乃前賢經驗之傳以爲後學惟治  
之則也



藥有五法

湯劑煎成清液也補須要熟利不嫌生並先軟定水數煎蝕多寡之不同耳去暴病用之取其易升易散易行經絡故曰湯者盪也○治至高之分加酒煎去濕加生薑煎補元氣加大棗煎發散風寒加葱白煎去隔病加蜜煎止痛加醋煎凡諸補湯渣滓兩劑併合加原水數復煎待熟飲之亦敵一劑新藥其發表攻裏二者惟煎藥取效不必煎渣也從緩從急之不同故耳膏劑熬成稠膏也藥分兩雖多水煎膏宜又渣滓復煎數次絞取濃汁以熬成兩去久病用之取其始蝕力大滋補膠固故曰膏者膠也○可服之膏或水或酒隨熬渣猶酒者飲之可摩之膏或油或醋隨熬滓宜搗敷患處此蓋盡藥力也散劑研成細末也宜施製合不堪久留恐走泄氣味服之無效爾去急病用之不循經絡只去胃中及臟腑之積故曰散者散也氣味厚者曰湯調服氣味薄者煎熟和粗服

左劑作成九粒也。治下焦之疾者如梧子大治中焦疾者如菉豆大治上焦疾者如粒米大。因病不能速去取其舒緩遂旋成功故曰九者緩也。○用水九者或蒸餅作稀糊九者取其易化而治上焦也。用稠麵糊九者或飯糊九者取累遲化能達中焦也。或酒或醋九者取其收散之意。犯半夏南星欲去濕痰者以生薑自然汁作稀糊為九亦取其易化也。神麴九者取其消食山藥糊九者取其澆煉蜜九者取其遲化而氣循經絡蠟九取其難能固護藥之氣味勢力全備直過格而作效也。○漬酒漬藥酒也藥須細剉絹袋盛之入酒罈密封如常法煮熟地埋日久氣烈味濃餐晚頻吞經絡速達或攻或補並者奇功。浮瀝出濕干搗末別漬方雖稍緩服亦益入為散亦佳切勿傾棄。○補虛損症宜少飲緩取效。攻風濕症宜多飲速取效。九丸藥用蜜每藥末一斤則用蜜十二兩文火煎煉蜜去沸沫令色黃滴水成珠為度再加清水四兩和均如此九度可曝干經久不壞或用重湯熬煉成珠尤妙。

藥性歌括 共四百味

諸藥之性各有奇功溫涼寒熱補瀉宣通

君臣佐使運用于衷相反畏惡立見吉凶

人參味甘大補元氣止瀉生津調榮養衛去芦用反藜蘆

黃芪性溫收汗固表杜癆生肌氣虛莫少綿軟如管乾者癆癆生用挑

白朮甘溫健脾強胃止瀉除濕兼祛癰痞去芦油米炒水洗薄切晒干

茯苓味淡滲濕利竅白化痰涎赤通水道去黑皮中有赤筋要除去淨不

甘草甘溫調和諸藥炙則溫中生則瀉火一名國老能解百毒反牛膝

當歸甘溫生血補心扶庚益損逐瘀生新酒浸洗淨切片於肥痰濕藥

白芍酸寒能收能補瀉痢腹痛虛寒勿與有生用者有酒炒用者

赤芍酸寒能瀉能散破血通經產後勿犯宜用生

生地微寒能清濕熱骨蒸煩勞兼消瘀血一名干懷慶出者酒洗竹刀

熟地微溫滋陰補血生髓填精烏髮黑髮用懷慶半地黃酒拌蒸三黑

色竹刀切片勿犯鉄器忌蘿蔔葱蒜用姜汁炒除腸胃

麥門甘寒鮮渴祛煩補心清肺虛熱自安水浸去心用不令人煩

天門甘寒肺痿肺癰消痰止嗽喘熱有功水浸去心皮

黃連味苦瀉心除痞清熱明眸厚腸止痢去積下火童便使痰火姜汁伏

火煎湯氣滯火尖黃肝胆火猪胆實火朴硝厚火醋炒

黃芩苦寒枯瀉肺火子清大腸濕熱皆可去皮枯朽或生或酒炒

黃柏苦寒降火滋陰骨蒸濕熱下血堪任去粗皮或生或酒或蜜炙

梔子性寒鮮瀉除煩吐衄胃痛火降小便生用清三焦實火以清

連翹寒苦能消癰毒氣聚血凝濕熱堪逐去梗心

石膏大寒能瀉胃火發渴頭疼鮮肌立收或生或煨一名鮮石

滑石沉寒滑能利竅鮮渴除煩濕熱可療細膩潔白者佳念頭青黑者

知母味苦熱渴能除骨蒸有汗麥欬皆舒夫皮毛生用瀉胃火酒炒渴

貝母微寒止嗽化痰肺癰肺痿開鬱除煩去心黃白色輕熟者佳

大黃苦寒實熱積聚腸痰潤燥疎通便閉。

柴胡味苦能瀉肝火寒熱往來瘧疾均可。去芦要北者佳。

前胡微寒寧嗽化痰寒熱頭疼痞悶能安。去芦要軟者佳。

升麻性寒清胃解毒升提下陷牙痛可逐。去須青綠者佳。

桔梗味苦療咽腫載藥上升開胸利壅。去芦潔白者佳。

紫蘇葉辛風寒發表梗下諸氣消除脹滿。藥背向並紫者佳。

麻黃味辛解表出汗身熱頭痛風寒發散。去根節宜陳久止汗用根。

葛根味甘傷寒發散溫瘧往來止渴解酒。白粉者佳。

薄荷味辛最清頭目祛風化痰骨蒸宜服。一名冬麻用時蘇麻腦者佳。

防風甘溫能除頭暈骨節痺疼諸風口噤。去芦。

荆芥味辛能清頭目表汗祛風治瘡消熱。一名假蘇用舊。

細辛辛溫少陰頭痛利竅通關風濕皆用。華陰者佳反藜蘆。

羌活微溫祛風除濕身痛頭疼舒筋活骨。一名羌青。

獨活甘苦。頸項難舒。兩足濕痺。諸風能除。一名獨活草。

白芷辛溫。陽明頭痛。風熱瘙癢。排膿通用。一名芳香。

藁本氣溫。除頭顛頂寒濕。可祛風邪。可辟去毒。

香附味甘。快氣開鬱。止痛調經。更消宿食。即莎草根。忌鐵器。

烏藥辛溫。心腹脹痛。小便滑數。順氣通用。一名旁其。一名天台烏。

枳實味苦。消食除痞。破積化痰。冲墻倒壁。如鴉眼色。黑。陳者佳。水浸去。

枳殼微溫。快氣寬胸。胸中氣結。脹滿堪推。水浸去。切片。熬炒。

白朮辛溫。能去瘡毒。益氣調元。止嘔和胃。去壳取仁。

青皮苦寒。能攻氣滯。削堅平肝。安脾下食。水浸去。切片。

陳皮甘溫。順氣寬胸。單白和胃消痰。去白。湯水。畧洗。刮去穢。又名橘紅。

蒼朮甘溫。健脾燥濕。發汗寬中。更祛瘴疔。米泔浸透。搓去黑皮。切片。炒。

厚朴苦溫。消脹。世滿瘴氣。濕利其功不緩。要厚。如紫莖者佳。去粗皮。等。

南星性熱。能治風痰。破傷強直。風搐自安。姜葱泡透。切片。用。或為末。裝。

半夏味辛。健脾。燥濕。痰厥頭疼。嘔吐。堪入。一名守田反。烏頭。滾水。泡透。

藿香辛溫。能止嘔吐。發散風寒。霍亂為主。或用藥。或用梗。或用梗葉。或用梗。

枳櫚辛溫。破氣殺蟲。祛痰。逐水。專除后重。類難心者佳。

腹皮微溫。能下隔氣。安胃。健脾。浮腫消去。多有雄黃毒用。黑豆湯洗淨。

香茹味辛。傷暑便澁。霍亂水腫。除煩解熱。陳久者佳。

扁豆微涼。轉筋吐瀉。下氣和中。酒毒能化。微炒。

猪苓味淡利水通淋。消腫除濕。多服損腎。削去黑皮。切片。

澤瀉苦寒。消腫止渴。除濕通淋。陰汗自退。去毛。

木通性寒。小腸熱閉。利竅通經。最能導滯。去皮。切片。

車前子寒。溺澀眼赤。小便能通。大便能實。去壳。

地骨皮寒。解肌退熱。有汗骨蒸。強陰涼血。去骨。

木爪味酸。瀝腫脚氣。霍亂轉筋。足膝無力。酒洗。

威靈苦溫。腰膝冷痛。消痰。瘰癧。風濕皆用。去芦。酒洗。

牡丹苦寒破血通經血分有熱無汗骨蒸去骨

玄參苦寒清無根火消腫骨蒸補腎亦可紫黑者佳反藜蘆

沙參味苦消腫排膿補肝益肺退熱除風去芦反藜蘆

丹參味苦破積調經生新去惡祛除帶崩反藜蘆

苦參味苦瘡腫瘡疥下血腸風眉脫赤癩反藜蘆

龍胆苦寒療服赤疹下焦濕腫肝經熱煩

五加皮寒祛痛風痺健步堅筋益精止瀉此皮浸酒輕身延壽寧得一

防已氣寒風濕脚痛熱積膀胱消癰散腫如虛寒水瀉切宜忌之

地榆沉寒血熱堪用血痢帶崩金瘡止痛如虛寒水瀉切宜忌之

茯神補心善鎮驚悸恍惚健忘兼除怒志去皮木

遠志氣溫能歐驚悸安神鎮心令人多記甘草湯浸一宿去骨爛干

酸棗味酸飲汗酸煩多眠用生不眠用炒去核取木

菖蒲性溫開心利竅去痺除風出言至妙去毛一寸九節者佳思錄



栝子味甘補心益氣欬汗扶陽更療驚悸去壳取仁即拍實  
益智辛溫安神益氣遺精遺精喘逆皆治去壳取仁研碎

甘松味香香除惡氣治淋香肌心腹痛已

小茴性溫能除疝氣腹痛腰疼調中暖胃鹽酒炒

大茴味辛和氣脚氣腫痛膀胱止嘔開胃即懷香子

乾姜味辛表解風寒炮苦逐冷厚熟尤堪然包水浸火煎切片慢火炒

附子辛熱性走不守四肢厥冷回陽功有皮黑頂正負一兩一長者佳

麝香火磨去皮磨童便浸香慢火煮曬干密封放切片用亦有該用生者

川烏大熱搜風入骨濕痺寒疼破積之物頂歪斜製同附子

木香微溫散滯和胃諸風能調行肝瀉肺形如枯骨苦口粘牙者佳

沉香降氣暖胃追邪通天徹地衛氣為佳

丁香辛熱能除寒嘔心腹疼痛濕胃可曉雄子者如劍子長雄子者如

砂仁性溫養胃進食止痛安胎通經破滯去壳取仁

華澄茄辛除脹化食消痰止喘能逐惡氣保嫩胡椒青時摘取若止

肉桂辛熱善通血脉腹痛虛寒溫補可得去粗皮不見火好者用要

桂枝小梗橫行手背止汗舒筋治手足痺

吳茱辛熱能調疝氣臍腹寒疼酸水能治去梗湯泡微炒

延胡氣溫心腹卒痛通經活血跌撲血崩即玄胡索

薤白味甘專除濕痺筋節拘攣肺癰肺痿一名穿穀米去壳取仁

肉蔻辛溫脾胃虛冷瀉痢不休功可立等一名肉果類也殼紫切片紙

草蔻辛溫治寒犯胃作痛吐瀉不食能食建寧有淡紅花內白色子是

訶子味苦溫陽止利療嗽喘急降火欬肺又訶梨勒六棱黑色者佳火

草菓味辛消食除脹截瘧逐痰離瘟辟瘴去壳取仁

常山苦寒截瘧除痰解傷寒熱水脹能寬消浸切片

良姜性熱下氣溫中轉筋霍亂酒食能攻結實救拔名紅豆蔻善解泊

山查味甘磨消肉食療疝催瘡消膨健胃一名糖桂子俗呼山裏紅

神曲味甘。開胃進食。破結逐痰。調中下氣。要六月六日製造。方可用。要

麥芽甘溫。能消宿食。心腹脹滿。行血散滯。炒。孕婦勿服。忌食。元

蘇子味辛。破痰降氣。止欬定喘。更潤心肺。

白芥子辛。專化脇痰。癰蒸痞塊。服之能安。微炒。

甘遂苦寒。破癥消痰。面浮蠱脹。利水能安。反甘草。

大戟甘寒。消水利便。腹脹癥堅。其功與戟。反甘草。

芫花寒苦。能消腫蠱。利水瀉濕。止欬痰吐。反甘草。

商陸辛甘。赤白各異。赤者消腫。白利水氣。一名。檉柳。

海藻鹹寒。消癭散癰。除脹破癥。利水通閉。與海帶昆布散。結癥。堅功同。

牽牛苦寒。利水消腫。蠱脹痰癖。散滯除壅。黑者。屬水。力過。白者。屬金。効

葶藶辛苦。利水消腫。痰欬癰瘕。治喘肺癰。濕結。暑炒。

藶麥辛寒。專治淋病。且能墮胎。通經立應。

三稜味苦。利血消滯。氣滯作痛。唐者當忌。去毛。火煨。切片。醋炒。

五靈味甘血痢腹痛止血用炒行而用生。

莪朮溫苦善破瘀癖止痛消瘀通經最宜去根火煨切片醋炒。

乾漆辛溫通經破瘀追積殺虫効如奔馬驕而炒金翅燕生刺損人傷。

蒲黃味甘逐瘀止瀉補血須炒破血用生。

蘇木甘酸能行積血產后月經兼治撲跌。

桃仁甘寒能潤大腸通經破瘀血凝結等法浸去皮尖研如泥。

莩黃味辛消癰破血心腹結痛下氣最捷。

檳金味苦破血生肌血淋溺血鬱結能舒。

金銀花甘療癰無對未成則散已成則潰。一名忍冬一名黃芩一名老翁須

漏芦性溫祛惡瘡毒補血排膿生肌長肉。一名野蘭

蒺藜味苦療瘡癰癰白癰頭瘡翳除目明。

白皮味苦功專收斂腫毒瘡瘍外科最善。

蛇床辛苦下氣溫中惡瘡疥癩逐瘀祛風。

天麻味辛。能散頭眩。小兒驚癇。拘攣癱瘓。

白附辛溫。治面百病。血痺風瘡。中風痰症。

全蝎味辛。却風痰毒。口眼喎斜。風癇發搐。去毒

蟬退甘平。消風定驚。殺痔除熱。退弱侵睛。

姜蚕味鹹。諸風驚癇。濕痰喉痺。瘡毒癰痕。去系哺。炒。

蜈蚣味辛。蛇虺惡毒。殺鬼除邪。墮胎逐瘀。可足赤者佳。冬乾去頭尾。

木鱉甘寒。能追瘡毒。乳癰腰疼。消腫最速。去壳。

蜂房鹹苦。驚癇瘕痰。牙疼腫毒。瘰癧腸疔。

花蛇溫毒。癰瘕喎斜。太風疥癩。諸毒稱佳。兩鼻孔四指牙頭帶二十四朵花尾上  
有不帶指甲是出潮州者佳。

蛇退辟惡。能除癰膜。腸痔蟲毒。驚癇搐搦。

槐花味苦。痔漏腸風。太腸熱痢。更殺蛇虫。

鼠粘子辛。能除瘡毒。癰疹風熱。咽疼可逐。一名牛旁子。一名大力子。  
一名惡實。

茵陳味苦。退疸除黃。濕熱利水。清熱為涼。

紅花辛溫最消瘀熱多則通經少則養血

蔓荊子苦頭疼能醫拘攣濕痺淚眼堪除微炒研碎

芫荽苦寒能薰痔漏定喘消痰肺熱久嗽去隔膜根名青木香散氣

百合味甘安心定膽止嗽消浮癰疽可啖

秦艽微寒除濕榮筋肢節風痛下血骨蒸新好羅紋者佳

紫苑苦辛痰喘欬逆肺癰吐膿寒熱並濟去頭

款花甘溫理肺消痰肺癰喘欬補力除煩要嫩芽去木

金沸草寒消痰止嗽明目祛風逐水一名旋覆花一名金錢花

桑皮甘辛止嗽定喘瀉肺火邪其攻不淺風寒新嗽生用虛勞久嗽

杏仁溫苦風寒喘嗽太腸氣閉便難切要杏仁者泡去紅皮

烏梅酸溫收斂肺氣止渴生津能安瀉痢

天花粉寒止渴法煩排膿消毒善除熱痰

瓜蒌仁寒寧嗽化痰傷寒結胸鮮渴止煩去壳用仁重紙包磚壓炒之

密蒙花甘。主能明目。虛翳青盲。服之効速。酒洗蒸過晒干。

菊花味甘。除熱祛風。頭暈眼赤。取淚殊功。家園內味甘黃。小者良。去梗。

木賊味甘。益肝退翳。能止目經。更消積聚。

決明子甘。能祛肝熱。目疼收淚。仍止鼻血。

犀角酸寒。化毒辟邪。鮮熱止血。消腫毒蛇。

羚羊角寒。明目清肝。卻驚解毒。神智能安。又

龜甲味甘。滋陰補腎。逐瘀續筋。更醫癩頭。即水龜板。

鱉甲酸平。勞嗽骨蒸。散瘀消腫。去痞除崩。去裙。鹽醋炙黃。

海藻味鹹。破血除癥。通經水腫。目翳心疾。

桑上寄生。風濕腰痛。安胎止崩。瘡瘍亦用。

火麻味甘。下乳催生。潤腸通結。小水能行。微炒溲。去壳取仁。

山豆根苦。療咽痛腫。敷蛇虫傷。可救急用。俗名金鎖匙。

益母草甘。女科爲主。產後胎前。生新去瘀。一名老蔚子。

紫草苦寒能通九竅利水消脇痘疹最要

紫葳味酸調經止痛崩中帶下。殺穀通用。一名凌霄花

地膚子寒去膀胱熱皮膚瘙癢除熱甚捷。一名鉄掃帚子

練根性寒能追諸虫疼痛立止積聚立通

樗根味苦瀉痢帶崩腸風痔漏燥濕滋精去皴皮取白皮切片酒炒

澤蘭甘苦痼腫能消打撲傷損肢體虛浮

牙皂味辛通關利竅敷腫痛消吐風痰妙去弦子皮用不蛀者

蕪荑味辛歐邪殺虫痔瘻癰疥化食除風。一名殺入白粉佳甘草煎水

雷丸味苦毒殺諸虫癰瘤瘰癧治兒有功。一名巨蟲黑者佳

胡麻仁甘疔腫惡瘡熱補虛損筋壯力強。一名巨蟲黑者佳

蒼耳子苦疥癬細瘡風濕痺痛瘡痒甚。一名梟耳實多刺

麤仁味甘風腫爛弦熱脹。一名眼淚立痊

青箱子苦肝臟熱毒暴發赤障青盲可服



谷精草辛。牙痛風痛口瘡咽痺眼翳通用。一名義星草

白薇大寒。療風治瘡。人事不知。鬼邪堪却。

白薇微寒。兒瘡。婦人陰腫。瘡疔可啖。

青蒿氣寒。童便熬膏。瘧寒盜汗。除骨蒸勞。

茅根味甘。通閔逐瘀。止吐衄血。客熱可去。

大小薊苦。消腫破血。吐衄咯唾崩漏可啖。

枇杷葉苦。偏理肺臟。嘔穢不已。鮮酒清上。布拭去毛

木律大寒。口齒聖藥。瘰癧能醫。心煩可卻。一名胡桐淚

射干味苦。逐瘀通經。喉痺口臭。瘰癧堪悲。一名烏嬰根

鬼箭羽苦。通經墮胎。殺虫破結。破邪除毒。一名衛茅

夏枯草苦。瘰癧瘰癧。破癥散結。濕痺能瘳。冬至後發生。夏至時枯

卷柏味苦。瘰癧血閉。風眩痿痺。更破鬼症。

馬鞭甘苦。破血通經。瘰癧瘰癧。服之最靈。

鶴虱味苦殺虫追毒心腹卒痛跳虫堪逐

白頭翁溫散瘀逐血癰疽癰疔止痛百節

早蓮草甘生鬚髮赤痢堪止血流可截

慈菰辛苦疔腫瘡疽惡瘡癰疹蛇虺並施

榆皮味甘通水除淋能利關節鼓腫痛疔

鈎藤微寒療兒驚癇手足瘰癧抽搐口眼

菴荻味甘退風除濕聰耳明目烏鬚黑髮

葵花味甘帶痢兩功赤治赤者白治白同

辛夷味辛鼻塞流涕香臭不聞通竅之劑

續隨子辛惡瘡蟲毒通經消積不可過服

海桐皮苦霍亂久痢疳蟲疥癬牙疼亦治

石楠藤辛腎衰脚弱風淫風痺堪為妙藥

鬼臼有毒辟瘟除惡蟲毒鬼疰風邪可却

一名千金子一名拒及一名去  
壳取仁紙包壓去油  
一名鬼目女人不可久服

大青氣寒傷寒熱毒黃汗黃疸時疫宜服。

側柏葉苦吐衄血痢能生髮除濕之劑。

槐實味苦陰瘡濕痒五痔腫疼止涎極莽。即槐角黑子也

瓦礫子酸婦人血塊男子痰癖癥瘕可產。即甜子壳火煨醋淬

椶櫚子苦禁洩澀痢帶下崩中腸風堪治。

冬葵子寒滑胎易產利小便善通乳難。即葵菜子

沸羊藿辛陰起陽興筋骨益骨志強力增。即仙靈脾俗呼三枝九草

松脂味甘滋陰補陽敗風安臟骨可貼瘡。一名淫青

覆盆子甘腎損精竭黑鬚明眸補虛續絕。去毒

合歡味甘利入心志安眠明目快樂無慮。即交枝同

金櫻子甘夢遺精滑禁止遺尿寸白虫殺。霜后紅熟去核

楮實味甘壯筋明目益氣補虛除瘡當服。

郁李仁酸破血潤燥消腫利便開格通導。碎投取仁湯泡去皮研碎

沒食子苦益血生精染髮最妙禁痢神靈助無食子

空青氣寒治眼通靈青目赤腫去暗翳明

蜜陀僧賊止痢醫痔能除白癰諸瘡可治

伏龍肝溫治疫安胎吐血欬逆心煩妙哉取年深色變者佳

石灰味辛性烈有毒辟虫立死墮胎甚速

穿山甲毒痔癰惡瘡吹奶腫痛見魅替截用甲剉碎土炒成珠

蛇蛻氣寒傷寒瘟病太熱狂言投之立應

蜘蛛氣寒祛疔偏痛蛇咬咬塗疔腫敷用腹大黑色者佳

蟾蜍氣涼殺疔蝕癰疽疫能辟瘡毒可祛

刺蝟皮苦主醫五痔除腫疔痛能開胃氣

蛤蚧味鹹肺痿血咯傳尸勞疰邪魅可却

蟾蜍味鹹治十水腫止下疳疔効不旋踵

蝮牛味鹹口眼喎僻驚癇拘攣脫肛咸治

桑螵蛸酸淋濁精泄除疝腰痠虛損莫缺

田螺性冷利大小便消腫除熱醒酒立見酒酒煮熟北肉金之

象牙氣平雜物刺喉能通小便諸瘡可瘳

水蛭味酸除積瘀堅通經墮產折傷可痊即馬蟥

貝子味酸鮮肌散結利水消腫目翳清潔

蛤蜊肉冷能止消渴酒毒堪除開胃煩豁方

海粉味鹹大治頑痰婦人白帶鹹能軟堅即海石火煨研如無以路分

石鱗味鹹點目腫鮮蟲脹毒催生落地

海藻蛸酸漏下赤白瘰癧驚氣除腫可得一名馬賊魚骨

無名異甘金瘡折損去瘀止痛生肌有準

青象石寒硝散金色墜痰消食神妙莫測用酒煮同八種內火煨如金

礞石味酸專殺鉄毒若悞吞針繫線即出

花蘆石寒善止諸血金瘡血流產後血洩水乾研

代赭石寒下胎崩帶兒疳瀉痢驚癇風怪

黑鉛味甘止嘔反胃鬼疰癰瘤安神定智

良屑味辛謔語恍惚定志養神鎮心明目

金屑味甘善安魂魄癲狂驚癇調和血脉

狗脊味甘酒蒸人劑腰背膝疼風寒濕痺根類金毛狗脊

骨碎補溫折傷骨節風血積疼最能破血去毛即胡孫良姜

茜草味苦蠱毒吐血經帶崩漏損傷虛熱

預知子貴綬木鎮中遇毒聲作誅蠱殺虫

王不流行調經催產除風痺濕乳癰管炎附剪金子花取酒煮久焙干

狼毒味辛破積殺蟲惡瘡鼠疫殺毒鬼精

藜芦味辛最能發吐腸辟瀉痢殺虫消蠱反芍藥細辛人參沙參玄參

車麻子辛吸出滯物塗頂枕取定胎出去壳取仁

草撥味辛溫中下氣祛辟陰疝霍亂瀉痢

百部味甘。骨蒸勞瘵。殺疳。蛻虫。久嗽功大。  
京墨味辛。吐衄下血。產後崩中。止血甚捷。

黃荊子苦善治欬逆骨節寒熱能下肺氣又名荆實

女真寶苦。黑髮烏鬚。強筋壯力。去風補虛。一名冬青子。

瓜蒂苦寒。毒能吐痰消身腫脹。并治黃疸。即北方甜瓜蒂也。一名苦丁。香散而則吐丸。與則渴。

粟壳性瀉痢嗽怯切病加神殺入如劔不可割用蜜水炒

巴豆辛熱除胃寒積破癥消痰大能通利一名江子一名巴魚反牽牛去殼者並藥用

夜明砂糞能下死胎小兒無辜瘰癧瘰癧栽丁名伏翼糞丁名端蠅屎

斑猫有毒破血通經諸瘡瘰癧水道能行去頸疔足米炒熟用

蠶沙性溫濕痺癰疹癰風腸鳴消渴可飲

胡黃連苦。治勞骨蒸。小兒疳積。盜汗。虛驚。好與下線。石出者佳。忌豬肉。

史君甘溫消疳消濁瀉痢諸虫總能除却

赤石脂溫係固腸胃潰瘍生肌益精酒和

青黛酸寒能平肝木驚癰疔痢兼除熱毒即散花

阿膠甘溫止欬膿血吐衄胎前虛羸可吸要金井者佳焙炒成珠

白礬味酸化痰鮮毒治症多能難以盡述火煨過名枯礬

五倍苦酸療齒疳瘰癧痔瘡瘻兼除風熱一名文蛤一名百生一名百生

玄明粉辛能蠲宿垢化積消痰諸熱可療月朴硝以雜同月紫過者佳

通草味甘善治膀胱消癰散腫能醫乳房

枸杞甘溫添精補髓明目祛風陰興陽起紫熟味甘青潤者佳去根蒸

黃精味甘能安臟腑五勞七傷此藥大補與狗肉同食勿誤用洗淨

何首烏甘添精種子黑髮悅顏長生不死赤白兼用洗淨過一宿焙乾

五味酸溫生津止渴久嗽虛勞金水枯竭北去根用南厚拍碎焙乾

山茱性溫滋精益髓腎虛耳鳴腰膝痛止酒蒸去核取肉其核勿用

石斛味甘能驚定腎壯骨補虛善微冷痺去根如黃色者佳

破故紙溫腰膝酸補興陽固精鹽酒炒用一名補骨脂鹽酒洗炒



薯蕷甘溫理脾止瀉益腎補中諸虛何怕一名山藥一名山芋懷慶者佳

菰麥味甘峻補精血若男用之反動便滑酒洗去鱗凡除心內腹中

兔絲甘平夢遺滑精腰痛膝冷漆髓壯筋水洗淨入酒中浸此藥酒洗

牛膝味苦除濕痺痿腰膝酸疼小便淋瀝懷慶者佳去背酒洗

巴戟辛甘大補虛損精滑夢遺強筋固本肉厚連珠者佳酒浸過宿蒸

仙茅味辛腰足攣痺腰損勞傷陽道興起與杜仲同用與米酒十斤乳石

牡蠣微寒澹精止汗崩帶脇痛老痰祛散左南大者佳火煨紅研

綈子味苦膀胱疝氣中濕傷寒利水之劑即金鈴子酒浸蒸去皮按

草薢甘苦風寒濕痺腰背冷痛添精益氣白者為勝酒浸切片

寄生甘苦腰痛頑脉續筋壯腎風濕尤佳畏寒寄生

續斷味辛接骨續筋跌撲折損且固遺精酒洗切片如雞卵者佳

龍骨味甘夢遺精泄崩帶腸瘕驚癇風熱火煨

人之頭髮補陰甚捷吐衄血暈風癰驚熱一名血餘

天靈蓋賦傳屍勞瘵溫瘧血崩投之立瘥即人脂蓋枯也燒在性

雀卵氣溫善扶陽痿可致堅強龍能固閉

鹿茸甘溫益氣滋陰泄精尿血崩帶堪任燒去毛或酒或酥炙令脆

鹿角膠溫吐衄虛羸跌撲傷損崩帶安胎

臍肭膽熱補益元陽敗邪辟鬼療癰勞傷酒浸飯炙炙令香

紫河車甘療諸虛損勞瘵骨蒸滋培根本一名混沌皮一名混元衣即

包衣也長流水洗淨或新瓦烘干或酥蒸爛忌鹹器

楓香味辛外科要藥瘡癰癰疹齒痛亦可一名白膠香

檀香味辛升胃進食霍亂腹痛中惡鬼氣

安息香辛辟邪敗惡逐鬼消蠱鬼胎能落黑黃色燒香鬼畏神散

蘇合香甘誅惡殺鬼蠱毒癰疽夢魘能起

熊胆味苦熱蒸黃疸忌食酒五疳驚風

硃砂有毒潰癰爛肉除翳生肌破癥消毒水飛去土石生用燂肉炙煙

硃砂味甘辛。療癰腫痛。涌上熱痰。養心立中。太塊先望者佳。

硃砂味甘。鎮心養神。祛邪。殺鬼。安魂。生銀。無害。鍊服。殺火。

硫黃性熱。掃除疥瘡。壯陽。逐冷。寒邪。敗毒。

龍腦味辛。目痛頭痺。狂燥妄語。真為良劑。即冰片。

蘆薈氣寒。殺蟲。消疳。癰疽驚搐。服之立安。俗名象脂。

天竺黃甘。急慢驚風。鎮心解熱。敗邪有功。出天竺國。

射香辛暖。善通關節。伐鬼安驚。解毒甚妙。不見火。

乳香辛苦。療諸惡瘡。生肌止痛。心腹尤良。去砂在。用淨心。月硃。

沒藥溫平。治瘡止痛。跌打損傷。破血通用。

阿魏性溫。除癰破結。卻鬼殺蟲。傳尸可滅。

水銀性寒。治疥殺蟲。斷絕胎孕。催生立通。

輕粉性燥。外科要藥。楊梅諸瘡。殺蟲可托。

靈砂性溫。能通血脉。殺鬼辟邪。安魂定魂。係水銀硫黃汞火。經煉成砂。

斑霜大毒。風痰可吐。潰瘡除。考能消。沉痾。

一名人言二名信所製。西平內。候。考。中。用。一。味。

雄黃甘辛。辟邪。解毒。更治。蛇。蝎。喉。風。疔。肉。

珍珠氣寒。鎮驚。除癰。開聲。磨翳。止渴。墜痰。

未。鑽。者。研。細。粉。

牛黃味苦。大治。風。痰。定。鬼。安。氣。驚。癇。靈。丹。

琥珀味甘。安第。定。鬼。破。瘀。消。癥。利。水。通。淋。

考。起。草。茶。考。佳。

血竭味酸。跌撲。傷。損。惡。毒。瘡。癰。破。血。有。準。

一名。藤。藤。樹。最。晚。有。確。油。光。考。佳。

石鍾乳甘。氣。乃。慄。悍。益。氣。固。精。明。目。延。年。

陽起石甘。腎。氣。之。絕。陰。痿。不。起。其。効。甚。捷。

火。蝦。酒。淫。七。次。再。酒。煮。半。日。研。細。

桑椹子甘。鮮。金。石。燥。清。除。熱。湯。藥。髮。皓。

蒲公草苦。清。堅。消。腫。結。核。能。除。食。毒。堪。用。

一名。黃。花。地。丁。草。

石韋味苦。通。利。膀。胱。遺。尿。或。淋。發。背。瘡。瘍。

篇蓄味苦。疥。癬。疔。瘡。小。兒。疳。積。女。人。陰。蝕。

赤箭用苦。原。號。定。風。紋。鬼。蠱。毒。除。血。癰。瘰。

即。天。麻。苗。也。

鷄肉金寒。瀉遺精。止嘔。痢。漏。崩。除煩熱。

鰻魚甘。勞。蒸。殺。取。其。脂。清。熱。消。痰。有。功。

螃蠏味鹹。散血。解結。益氣。養筋。除胸煩熱。

馬肉味辛。堪強腰脊。自死老死並棄勿食。好肉少。食宜。酒下。無酒。殺。人。懷。孕。痢。疾。生。瘡。者。禁。食。

白蛤肉平。解諸藥毒。能除疥瘡。味勝猪肉。

兔肉味辛。補中。益氣。止渴。健脾。孕婦勿食。秋。冬。宜。啖。春。夏。忌。食。

牛肉屬土。補脾胃。弱。乳。養虛羸。善滋血潤。

猪肉味甘。量食。補虛。動風。痰物。多食。虛肥。

羊肉味甘。專補虛羸。開胃。補腎。不致陽痿。

雄鷄味甘。動風。助火。補虛。溫中。血滯。亦可。有。風。人。并。患。骨。蒸。者。俱。不。宜。

鴨肉散寒。補虛。勞。怯。消水腫脹。退驚。癩。熱。

鯉魚味甘。消水腫滿。下氣安胎。其功不緩。

鯽魚味甘。和中。補虛。理胃。進食。腸。痔。瀉。痢。

野肉微寒安心解煩能治痢疾以動風淫

解魚味甘益氣補中能祛風臭善散濕風

白鵝肉甘大補臟腑最發瘡毒痢疾勿與

犬肉性溫益氣壯陽炙食作湯陰虛禁嘗不可與蒜同食頭損入

鱖肉性冷涼血補陰癰瘕勿食孕婦莫侵合雞子食發人合黃丸藥食

芡實味甘能益精氣腰膝酸疼皆主溫痺一名雞頭去壳取仁

石蓮子苦寒禁口痢白濁遺精清心良劑

藕味甘寒解酒清熱消煩逐瘀止吐衄血

龍眼味甘歸脾益智健忘怔忡聰明廣記

蓮藕味甘益腎烏鬚滋精固髓悅顏補虛

柿子氣寒能潤心肺止渴化痰滋腸禁痢

石榴皮酸能禁精補上同益陽藥尤妙

陳倉谷米調和脾胃鮮消除煩能止瀉陳倉准即黏米陳西米加



萊菔根甘下氣消痰痰癖欬嗽兼能解毒俗云蘿蔔

燈草味甘通利小便隆閉成淋濕腫為最

艾葉溫平散邪逐鬼漏血安胎心痛即愈宜陳久者佳採燭隔火炒

葦葉氣寒能解百毒止渴除煩諸熱可服

川椒辛熱祛邪逐寒明目殺虫溫而不猛去目殺殺

胡椒味辛心腹冷痛下氣溫中跌撲堪用

石蜜甘平入藥煉熟益氣補中潤燥解毒

馬齒莧寒青盲目翳利便殺虫燻瘡咸治

葱白辛溫發表出汗傷寒頭疼腫痛宜散忌與葷同食

胡荽味辛上止頭疼內消瘰癧食痘疹發生

韭菜辛溫祛除胃熱汁清血熱子寒濕瀉

大蒜辛溫化肉消痰清熱散腫多用能目

食塩味鹹能吐中痰心腹卒痛多搗爛



其性苦熱能清上清明目

酒通血脈消熱通其少飲壯神過多損命用無灰者凡煎藥入酒煎藥

醋消腫毒積癰可去腐後金瘡血暈皆治名昔酒用味酸者

烏梅味酸除煩解渴霍亂瀉痢止嘔勞熱去核用

淡豆豉寒能除煩懷傷寒頭眩兼理瘴氣用不百淡豉黑豆造者

蓮子味甘健脾理胃止瀉澁精清心養氣食不安心恐成瘰癧雀巢

大棗味甘調和百藥益氣養脾中滿休嘔

人乳味甘補陰益陽悅顏明目產婦人香濃者佳

童便味涼打撲瘀血馬勞骨蒸熱嗽尤捷一名輪胎一名嬰兒元陽去七八

生薑性溫通暢神明痰嗽嘔吐開胃極靈去皮即熟留皮即生

藥共四百精製不同生熟新久炮煨炙烘湯丸膏散各起疲癯合宜而用

乃是良工雲林歌括規訓蒙畧陳梗槩以候明公再加訂正濟世無窮